



१०६७

सकिमिलापुन्हि

ठाकुरलाल मानन्धर
मन्दिरा प्रधान
लाभरत्न तुलाधर
काशीनाथ तमोट
राजाराम प्रधानाङ्ग
देवेन्द्रमान श्रेष्ठ
टि. एस. इलियट
सुरेन्द्र शाक्य त्रिसुलि
जीवन कंसाकार
गिरिजा प्रसाद जोशी
प्रतिसरा साय्मि

संघ 'यज्यू' शाक्य
आनन्द जोशी
दुर्गालाल
प्रवीण शुक्ल
चिनियालाल बज्राचार्य
केशव शाक्य
'निर्मल'
केशर मान ताम्राकार
मंगलदेवी स्थापित
राजोपाध्याय खवप
उद्धव मास्के

छितः छु माःगु थें ?

- ❖ मेसि फर्गुसन ट्रैक्टर ❖ उषा पम्प सेट
 - ❖ रोड रोलर ❖ बुल्डोजर, क्रेन, शोभेल इत्यादि
 - ❖ लुकास कम्पनीयागु ,कार, ट्रक इत्यादी बाहनयात माःगु स्पेयर पार्टस्
 - ❖ अक्सिजन ग्यांस, वेल्डिंग रड व मेमेगु सामग्री
 - ❖ क्राइसलर कम्पनीयागु कार व मेमेगु बाहन अथेहे
- न्ह्यागुं प्रकारयागु मेसीन, औजार व उपभोग्य वस्तुया लागि

जिमित लुमंका दिसँ

भाजुरतन इन्जिनियरिंग एण्ड सेल्स (प्रा) लि०

ज्योति भवन, कान्तिपथ, येँ,
पो. बा. नं. १३३ तथा
जिमिगु बोरगंज, बिराटनगर,
भैरहवा, जनकपुर व
हेटौंडाया कार्यालय ।



नेपाल भाषाया
लयपौ

सं : २०

श्रृंखला : १६४

नेपाल सम्बत १०९७ प्वहेला

संरक्षक

चित्तधर 'हृदय'

सम्पादक

विष्णु चित्रकार

प्रकाशक

पद्मरत्न तुलाधर

व्यवस्थापक

भूषणप्रसाद श्रेष्ठ

दछिया १५१-

छगुया १५०

किलंमनः पौ

पुलांगु भाय् पुलांगु खँ

ठाकुरलाल मानन्धर

श्री विष्णुगुप्त राजासन प्रथमस परचक्र जयरपेस
थापरपा श्री विष्णु तीर्थ नारायणस श्वस ये चंगुं धाये ।

श्वया लिवया चंगुं थापरपा दुर्भिक्ष भुजरङ्गान
असहन जुयाव श्वलसं लीस सुमिक्ष जुव श्व यो चंगुं
धाये । श्वया लिव थापरपा विष्णुनाभ लु द्वयेके कामनान
थोल कापिस लुंवा गाक्व श्व यंचंगुं धाये ।

श्वया लिव थापरपा सन्तान कामनान श्री चंगुं
गरुडनारायणस श्व वं चंगुं धाये ।

श्वते पिव चङ्गु धाये ।

चंगुया दुदु फंकया हेतु श्री पुष्पदेव राजास प्रज्यास
असहन देशस मन्हं दव श्वतेस सोतक चोडा म्हंग्वस
व्यङ्गा । गुणिला थोव दुहिंसि कोन्हु दुदु फंकन खुडे
श्वन द्वारस तेये गुन्हुतो एका पलका सखा अभिसेषश्च
पराक्षा मन्हं निवारण । स्वस्ति भूतवृत्तान्त लिखितश्च
श्रृणु । सम्बत १७७ आषाढ कृष्ण प्रति पदा उत्त-
राषाढ नक्षत्र सुधियोग बुधवार श्री संकर देवस्य पुत्र
श्री शिवदेवस्य जात । राजा अस्त ६९ कामरुया भेरव
अवतार ।

(गोपालराज वंशावली पौ

कीथाय् थौं तक नं पेहा नारां सीकः वनेगु
दहे दिन । पैगू दिशाय् पेहा नारां छः स्थापन

तःगु दु । श्व खँ कयाः गोपाल राजवंशावली चोहास्यां
न्हापां पेहा नारां छःया नि स्मरण यानाः इतिहास
नेपाल भासं शुरु यात ।

वारं गां पुला वनाः (गोदावरी वनेगु लँय्) थौं
कल्लय् विसंखु नारां धायिगु थासय् दकले ल्हापां नारां
छः थापना याःगु जुयाचवन । व दखिनय् लाःगु जुया
निति ये (दक्षिण) चंगु धाःगु जुया चवन । 'विष्णु
गुप्त नारायण' या विष्णु गुं नारां जुयाः थौं कल्लय्
भासय् विसंखु जुया चवन । वयां लिपा थापना याःगु
पछिम दिशाय् थौं कल्लय्या भासं इचंगु जुयाचवन
पुलांगु नां यो चंगु खनी ।

वयां लिपा थापनायाःगु उत्तर दिशाय् थौं कन्हय्
कीसं भुइजःसि नारां छः धया चवना । विष्णुमती
खुसिया मुहानयात विष्णु नाम धकाः धाइ विष्णु नामं
वःगु खुसि जुयाः विष्णुमती धकाः नां चवन गथे वाग
द्वारं वःगु जुयाः कीसं व खुसियात बागमती धकाः धया ।

अले दकलय् लिपा तिनि पूर्व दिशाय् चंगु नारां
छः थापना याःगु जुया चवन । पुष्पदेव राजाया प्रजा
आपाः सिना वनाचवन जनसंख्या पाः जुया वनाचवन ।
सन्तान दयेमा जन संख्या वृद्धि जुयेमा धौगु कामना
यानाः चंगु नारायण छः स्थापना याःगु जुयाचवन । गुह
तक दुखिय ईका पःका साखः तयाः छःयात लुयेगु
अभिषेक याःगु जुयाचवन । उकिया परिणाम जुजुया
जन संख्या वृद्धि जुयावल । श्व पूर्व दिशाय् लाःगु
जुया निति (पूर्व) चङ्गु धाःगु जुयाचवन ।

थुलि पेहा नारां छः येता, योता, येँता, वंता धकाः
दिशाया नारां छःया स्मरण याये धुंकाः इतिहास
याना हल ने. सं. १७७ या असार महिनां बृह
व जुजुं निसैं कयाः इतिहास चवया हल । ६९

वर्ष तक स्वात, निकै प्रतापीह जुजु जुयाचवन उकिं
कामरुकामाक्षाया भैरवया हे अवतार धकाः प्रशंसा याना
बिल, शूर वीर जुल कि भैरवया अवतार धकाः धाइगु
जुया चवन । की पुलांगु पल्टनया कण्डाय् भैरवया खापाः
चवयेगु चलन दु । भैरवयात War - god मानय्
यायेगु कीथाय् न्हापा चलन दु ।

इतिहासकारया भाय् कमसेकम ८०० दं निसै
कयाः ५०० दं न्ह्यः तकयागु पुलांगु ज्वीमाः धौगु
अनुमान यायेफु । खवपया राजकुलं पिकया तःगु इतिहास
लिपा ल्हया ल्हया हया तःगु थें चवं । विशेष खवपया
राजकुलं निसैं खँ शुरु याना हया निति नं श्व खँ कीसं
अनुमान याये फत । श्व इतिहासया सफू न्हापां
Royal Asiatic Society ति वःहा विद्वान Prof.
Cecil Bendall लं की थाय् लुइकुगुलि थुकियात
अंग्रेजी भासय् Bendall vamsāvali धकाः धया
बिल । लीपा कीथाय् बीर लाडब्रेरी खोलय् जुये
धुंकाः की पण्डिततय्सं गोपालराज वंशावली धकाः
नां छुना बिल । ०

भाजु ठाकुरलाल मानन्धरया निबन्ध संग्रह

“भाजु निबन्ध”

याकनं हे पिदने त्यंगुदु
लं चवना दिसँ

समस्यापूर्ति

(महाकवि सिद्धिदास महाजुं बिया दीगु छगू जक समस्या पूर्ति 'मालिनीया प्रसाद' यात कया: वःगु कविता वा लेख पिथनेगु भवसा: कथं न्हापां थव ल्याख्य निपु कविता न्ह्यब्वया च्वना । - स)

मालिनीया प्रसादं

मन्दिरा प्रधान

ब्यापक थासे स्वां नस्वा:गु
प्रकृति स्वयं प्याखं हूव:गु
कल कल खुसिचा हा हां न्हा:गु
मुसुं न्हिला: च्वापुगुं स्वैच्वंगु । १ ।

सूद्यो छंगु निभा:या तेजं
धरती फुक्कं क ऊ: धायकल
अथेहे मालिनीया प्रसादं
जीवन क्यवचा फिलिमिलि धाल । २ ।

मधुकर मदुसा कस्ति दइमखु
दनेगु मसोसा छे नं दइमखु
मया:सा छु नं ज्या सिधै मखु
मप्युसा व्हेमखु स्वां नस्वा:गु । ३ ।

कीगु थव भाषा सुनानं मल्ला:सा
संस्कृति कलाया सेवा मया:सा
सी धुंकल ज्वी उवले हे
जुग जुगान्तर न्हापाहे । ४ ।

प्यांवे च्वंगु व स: मांयागु
स्वेनु रे कीसं अक छायापीगु
सर्ग: पाता: छस्वा मजुतले
व्वांवने सकलें दिहे मदिसें । ५ ।

स्वयाच्वन आ: नं मुसुं न्हिला:
की मां कीगु न्होने दना:
प्रत्यक्ष ख्वा: थौं कीसं खंगु
प्रसादं ख: व मालिनीयागु । ६ ।

सिद्धिदासजु छहा मूथां कीगु
जवा: भाषाया तस्कं बल्ला:गु
केवल वहे ख: रक्षक सेवक
व स्वां उवले ह्वेका त:ह्य । ७ ।

धन्यवादया पात्र वहे जुल
न्हीका: गुह्यस्यां थो स:यात तल
लुमन्ति सध्दां चिन्तन मनया
प्रसादं जूवै व मालिनीया । ८ ।

की /

मालिनीया प्रसादं

लाभरत्न तुलाधर

शनि न्येदं मयाक ह्यापा महाकवि स्वर्गीय सिद्धि-
दासं छगू समस्या पूर्ति ब्यूगु जुया चवन । सके थ्व
वय्कलं थः शिष्यपिके काःगु छन्द-परीक्षा जुइमाः ।
थुगु खँ कवि केशरी चित्तधर 'हृदय' जुया सफू कीगु
साहित्य स्वःसा बांलाक धवाथुइ ।

उगु बखतय् केवल निह्म कविपिसं थ्व समस्या
पूर्ति याःगु जुया चवन । उकिं सी दु कीगु भाषय्
छन्दय् चिनाखँ चिनीपि उबलय् निसें हे ह्यो । थुगु
ह्यति कीसं तापाके फुसा बांलाइगु खइ ।

महाकवि सिद्धिदासजुयात यःगु छन्द मध्यय् छगू
'मालिनी' छन्द नं खः धैगु खँ उगु समस्या पूर्तिया
शीर्षकं वयं । व खः 'मालिनी या प्रसादं' । मेवल्य्
मफुसां थौं की छन्द प्रेमी सिद्धिदासजुया बुसादंया
लसताय् वय्कःया यःगु छन्द व हे समस्या पूर्ति यानाः
मालिनी प्रेमी सिद्धिदासजुया अत्याख छन्दोवद्र कृति
व यशोमय कीर्ति प्रति श्रद्धाञ्जलि छछायेगु ई ब्यूगुलि
धन्यवाद छछासे कविगुरु बिद्यादीगु समस्या पूर्ति याये-

उकुस मुकुस दंकाः, व्योमया छ्यूं प्यखें व्वै
पिलिक मिलिक मिकाः पल्पसां सो पुना व्छै,
थन पुत कवि सिद्धि कीगु भासा ख्यलय्सं,
सरर सरर काव्यं जः ह्वलाः छ्यूं व्यलय्सं ।

गथ्य सुरज नसंचां ल्वीगु खः व्याप्त शौर्यं,
कवि गुरु लुल भाषाकाशया दीप्त सूर्यं,
उह्य रवि सम सिद्धि-दासया थौं बुसादं-
सतछि व गुदँ न्याय्का, मालिनीया प्रसादं ।

व्यावहारिक उपयोगिताया सन्दर्भय्

नेपाल सम्बत्

काशीनाथ तमोट

नेपाल-सम्बत नेपालया थःगु सम्बत् खः । थ्व
न्ह्याथे यानाः शुरु जूगु ज्वीमाः, थ्व नेपालया चाय् बूगु
बस्तु खः, उकिं थ्व सम्बत् प्रति नेपाःमितय् आत्मीय
सम्बन्ध दै । थौं सरकारी स्तरय् विक्रम सम्बतयात
थः नाला चवन । थ्व कीगु बिदेश मोहया मचायेक
पुनाच्वंगु त्वय् खः । थुकथं कीसं थौं बिचाः याये
माःगु कारण खः कीगु दे बिकासोन्मुख अर्थात् अबि-
कसित दे जूगुलि यदि नेपाः थें ज्याःगु देशं थःगु हे
तुती दनेगु खःसा प्रत्येक खँय् थःगु पहः दयेमाः, थःगु
खँ छ्यलेमाः । थ्व खँ थौं वयाः सुरक्षाया लागि
धकाः भारतया छुं थासय् नेपाःमितयत् प्रतिबन्ध याःगु
व बिश्वव्यापी उन्नत राष्ट्र बिदेशी सहायता ह्य यायां
यंका च्वंगु खं नं थ्वीकेमाः । नेपाःया थःगु हे सम्बत्
दुगु राष्ट्रीय गौरवया खँ खः, थौं थ्व थःगु हे देशय्
उपेक्षित जुया चवन ।

सरकारी स्तरं विक्रम सम्बतयात नालाःकागुलि
कीसं थ्व ह्विया ह्वियं छ्यलेमाःगु जुयाचवन तर नेपाःया
जन जीवनय् नेपाल सम्बतया तःधंगु उपयोगिता दु । व
गुकथं धैगु न्ह्यसः वै, व खः तिथि सीकेमाःगु अत्यावश्यकतां ।
विक्रम सम्बत सूचीं चाह्यू कथं न्ह्याइ, नेपाल सम्बत्
मिला चाह्यू कथं न्ह्याइ । नेपाःमितय् धार्मिक भाव-
नायात नं कन यचुका बीगु खँ खः-नेपाल सम्बत्
न्ह्याइपुगु थ्वकं (शुक्लपक्ष) शुरु जुइ, विक्रम सम्बत्

गथेलेसे चवनीगु गाकं (कृष्ण पक्ष) । उकि नेपाल सम्बत्यात शुक्लादि सम्बत् धाःसा बिक्रम सम्बत्यात कृष्णादि सम्बत् धाइ ।

नेपाःमितय्गु जनजीवन तिथि मसीकं बालाक मन्हाः, न्हा हे न्हाःसां थःगु सांस्कृतिक जीवन पद्धतियात त्वःमंकाः । अथे जूगुलि नेपाःया जन जीवन अप्वः व्यावहारिक व व्यापक यायेत नेपाल सम्बत् छ्यल धाःसा अपुक हे छ्यले फइ । छाय्धाःसा नेपाल सम्बत्या लय् तिथि अनुसार जुइगुलि गबलय् छु तिथि वचन अपुक हे सिइ उकि यानाः थःगु संस्कृति नाप अप्वः सम्बन्ध जूवनि, अप्वः ममता दःवनि । थौं कन्हय् 'कछला ९' धाःसा थुकिया अर्थ कछलाथ्व नवमी धायेगु पलसा 'कछला नौ गते' धायेगु यानाः हेच्वंगु दु । थ्व बिक्रम सम्बत्या नकल खः । अथेनतु 'कछला २५' आदिकथं नं च्वेच्वंगु दु, थ्व नं बिक्रम सम्बत्या नकल खः । थ्व 'कछलागा दशमी' धाःगु खः । थुगुकथं 'गा' व 'थ्व' स्पष्ट वयनाः च्वयेगु अप्वः सांस्कृतिक व स्वाभाविक जुइ । थुकि यानाः तिथि नाप अभिन्न सम्बन्ध दयाः सांस्कृतिक जनजीवनय् नं थुकिया छ्यला अपो जुजु वनि, अले इमिसं नं कातिकया पलसा कछला धायेगु प्रति अप्वः आस्था तइ ।

सांस्कृतिक रुपं थथे जूसां नेपाल सम्बत्या थःगु पन वयनेत छसिकथं कछला १ निस्यं ३० तक च्वयेगु आवश्यक जू इव, छाय्धाःसा मेमेगु सम्बत्या थथे च्वयेगु चलन दु, थथे च्वयेबलय् व्यवहारय् अः नं पुइ । थय्क बिचाः यायेबलय् 'बजे' यात नेपाल भाषा कथं 'ताः' धाःथे नेपाल सम्बत्या ह्नि (दिन) यात तिथिकथं वा गते कथं मधाःसे 'खुन्ह' धायेगु वेश ज्वीला थें च्वं । गथे- '२१' यात कृष्णपक्ष षष्ठी वा '२१ गते' मधाःसे

'२१ खुन्ह' वा '२१ कुन्ह' धायेगु वेश ज्वी ला ? थःगु पनया लागि थ्व छगू विचारणीय खं खः ।

नेपाल सम्बत् कथं चान्द्रमास कथं तिथि मिति च्वयेगु अपो ऐतिहासिक नं जुइ छाय्धाःसा नेपालय् चन्द्र शमशेर (१०२१-१०५०) या न्ह्यव थ्व हे चान्द्रमास कथं छ्यलेगु यानातःगु दु । वयां लिपा तिनि सौर्यमास प्रचलन अर्थात गते अप्वः छ्यलेगु ज्या जुया वःगु खः । नेपाःया इतिहासय् ह्तापा ह्तापा अप्वः हे तिथि बीगु चलन दु मिति मखु । तापाकया छु खं थौं कल्लय् सरकारी स्तरय् ह्तिपा जुयाः पिदना च्वंगु 'गोरखा पत्र' हे नं देव शमशेरया ई तक चान्द्रमास कथं तिथि जक तयाः पिकाःगु खः । ऐतिहासिक स्वापू नं परम्पराकथं दै च्वनीगुलि नेपाल सम्बत् छ्यलेगु व्यावहारिक जुइ ।

चव्य च्वयागु छुं कारण व अथे हे मेमेगु कारणं संस्कृतिप्रिय नेपाःमितय् जनजीवनयात नेपाल सम्बत् अपो व्यावहारिक जू । छ्य धकाः सरकारं छ्यये-कुसा न्हागु छ्यला च्वने मालि, व ला मेगु हे खं जुल ।

१०९७ कछलाथ्व ९

छम्ह तसकं नुगःस्याःम्ह मनुखं न्हँदा लसताय् तसकं तःजिगु भिन्तुना पो छापय् याकाः इन ।

भिन्तुना पो इने धुंकाः मफुतय् उलिमछि दां फुकेलात धया थें वया नुगः स्यात ।

उकि वं छगू विज्ञापन पिकयाः भिन्तुना पोया खामय् भूलं लाःवंगु न्यासः वंगु नोट लिता बी हयत इनाप यान ।

थ्व खँ सियाः वया कलातं न्यासः दां दुगु छगू सुं छम्हस्यां बी हःगु धकाः वयाहे धुकुति पि बिया बिल । अले तिनि वया नुगः च्वन ।

छगू चम्चा न्यूट्रोन सछिम्ह किंसि नं ववबुइ फैमखु

राजाराम प्रधानाङ्ग
देवेन्द्रमान श्रेष्ठ

विज्ञानया न मो बा गि हे मसःपिसं श्व सारा संसार छताहे जक वस्तु दुगु जुइमाः धकाः मती लुइकाः ताई तक न्ह्यपु नायेकूगु खः । सारा संसार गुगु पती छता वस्तुखं दुगु जुइ धकाः कपाः त्युत्यु वंबलय लः, फय्, मि, पृथ्वी आकाम न्याता तत्वं सारा संसार व ब्रह्माण्ड नं दुगु धकाः धै वन । थुपि न्यातायात पंच तत्व धकाः धै जुल । थौं तक नं की यक्वस्यां पंच तत्वं वयापि पंच तत्वय् हे वने मानि धकाः धया वयाचवनागु दु । तर आधुनिक विज्ञानया लिधंसा कयाः धायेगु जसा गुगु न्याता वस्तुयात पंच तत्व धया वयाचवना उकी छता हे तत्व (element) मदु । अर्थात् पंच तत्वय् त धंगु भव्वाय व्वय् धुंकल ।

आधुनिक विज्ञानया बांलाक विकास प्रकाण्ड विद्वान वैज्ञानिक जोन डाल्टन निसैं हे जूगु धायेमाः । डाल्टन न्ह्यागु वस्तुयात नं कुचा थला यंकल धाःसा अन्तय वयाः दकलय् सकलय् चीकूगु कुचा जुइ, गुगुयात हानं कुचा थले फैमखु वयात परमाणु (Atom) धकाः धै वन । तर डाल्टन सः सुक्क हालावंगु खँ नं थौं मखइ वन । परमाणु धैगु दकलय् सकलय् चीकूगु मखइ च्वन । परमाणुयात नं हानं कुचा याये ज्यूगु जुयाच्वन । परमाणुया दुने नं विचित्रगु थःगुहे छगू अलग संसार दुगु जुयाच्वन । परमाणुया दुने च्वंगु संसारया बारे ताहाकः यानाः कता च्वंसा परमाणुया सामायण हे दः वइ । उकि चीहाकलं छःवाःचा खँ कने । थौं तकया दुने वैज्ञानिकतय्सं अथेहे व व खुता जिया परमाणुत सीकुगु दु । तर

न्ह्यागुहे परमाणु थजुइमा (हाइड्रोजनया परमाणुयात त्वःताः) परमाणुया दथुइलाक न्यूट्रोन व प्रोटोन छधी चिना च्वंगु दु । थथे छधी चिनाच्वंगु थायायात Nucleus धाइ । श्व Nucleus यात छचाःखेरं Electron नं चाः चाः हिलाच्वंगु दु । Nucleus या दुने प्रोटोन व न्यूट्रोन दुगु जुल । थपि नितां उलि उलि हे ऊयातु तर प्रोटोनयाके विद्युतया (Plus) चार्ज दइ व न्यूट्रोनयाके अज्याःगु विद्युतया छुं नं चार्ज दइ मखु । वैज्ञानिकतय्सं छगू न्यूट्रोनया तौल अथे हे १ ए. एम्. यू. (Atomic Mass Unit) दु धइगु सिकल । अर्थात् छगू न्यूट्रोनया तौल 1.66×10^{-24} ग्राम दु । छगू न्यूट्रोनया तौल तसकं तसकं हे ह्यो, अरवौ न्यूट्रोन छथासं तःसा छगू ग्राम हे मदु । तर छगू न्यूट्रोनया आयतन गुलि दु धकाः स्वःसा अजू चाइपुसे च्वंगु हे ह्यो । यदि छगू न्यूट्रोनया आयतन दकले सकले ऊयातुगु परमाणुया Nucleus या तिहे जक तल धाःसा थुकिया आयतन 4.2×10^{-36} मिलि लिटर दइ । यदि छगू चम्चाय् ५ मिलि लिटर जक न्ह्यं धकाः हिसाव यात धाःसा छगू चम्चाय् अथेहे 92×10^{35} गू न्यूट्रोन न्हानी, गुकिया तौल अथेहे 20×10^{11} ग्राम दइ । अर्थात् अथेहे 20×10^5 मेट्रिक टन अर्थात् २० लाख टन दइ, थुलि तौल सच्छिह्ना किसिला छु द्रःछिह्ना किंसि नं ववबुइ फैमखु । पृथ्वी च्वपि फुक्क किसित मुंसां नं थुलि तौल ल्हने फै मखुला मस्यु ! ○

फुस्कुलुपिं मनूत

टि. एस. इलियट

(१)

खः, की फुस्कुलु मनूत
 खः, की दुकुलु मनूत
 थवं थवय् लिधना च्वना
 छ्यं जायेक सु थनाः ।
 अहो... थः थः ह्यापनय् खँ लहायेबलय्
 कीगु गंगु सःया छुं अर्थ मदु
 गंगु वुँ — भक्ति — कवथाय्
 तज्याःगु ह्याय्कनय् छुँतय् तुति न्यासि वं थें
 अथवा गंगु घाँसय् फय् सं थें
 गुपचुप... बिना अर्थ ।
 बिना आकारया आकृति
 बिना रंगया किचः
 बाथ लवचं ग्रस्त शक्ति, अले
 बिना भाव ज्यानाया खाः ।
 गुह्यसें मृत्युया राज्यय्
 थःगु मिखा फयाये धुँकल
 जिमित लुमंकि ।
 थःत तंकाच्वं पि उकुसमुकुस आत्मा भाःपियाः मखु
 केवल फुस्कुलु मनूत
 दुकुलु मनूत भाःपियाः ।

(२)

व मिखात हागसय् तंकां त्वाकेगु आँट मदु जिके
 मृत्युया हागस राज्यय् कनाच्वंगु मिखात
 अन, मिखातदक्कं खाः कुचां त्वाल् लि थिनाच्वंगु
 पू-निभाः खः
 अन, छमा सिमा सनाच्वंगु दु
 अले तापाक्क आकासय्
 सिनावने त्यंगु नगु स्वयाः नं
 अप्वः तापाक्क व अप्वः एकान्तय्
 सःत दक्कं फसय् व्वयाच्वंगु दु ।
 मृत्युया हागस राज्यय्
 तापाये व्यु जितः नं
 पुंके व्यु जितः नं
 थयोगु हे अस्वाभाविक वसःत
 छुँया छ्यंगू
 क्वःया छ्यंगू
 विरुप व असह्य खाःपाः
 जीवनया छगू छ्यलय्
 फसं याःगु व्यवहार यानाः ।
 अन्तिम नापलाये बलय् स्वयाः अप्वः
 सत्तिके मयः जितः
 बी निभाःया थ्व राज्यय्

(३)

श्व वले सिनाच्वंगु दे खः
 श्व वहे कं कंया जंगल थहां वइच्वंगु दे खः
 थन त्वहंया मूर्ति तथनातःगु दु
 सीत्यंगु नगुया पुलुक छपुलु जलय्
 थुपि मृत्युया ताहाः लहाः ज्वनेत तत्पर ।
 व इलय् गुबलय् कीपि कातरपनं थुरुथुरु खानाच्वने
 चुप्पा नयाः क्वाके माःगु म्हुतुसि
 तज्याःगु त्वहंमूर्ति न्ह्यःने पुलि चुयाः प्रार्थना यानाच्वने
 उबलय् याकःचा न्हयलं दनाः स्वयेबलय् खनीगु
 मृत्युया राज्य थथे हे खः

(४)

मिखात थन मदु
 खः थन मिखात मदु
 सिनावने त्यंगु नगुया श्व गालय्
 श्व फुस्कुलुगु गालय्
 क्रिगु तंगु राज्यया श्व त्वःधूगु वाकुधी
 थाय्-बायत लिसे अन्तिम नापलानाच्वंगु इलय्
 कीपि दक्वं छप्पं मुना च्वना
 खँ लहाये माली धकाः कीपि घच्चाः
 बाः वइच्वंगु खुसि सिथय् यात्रायात छप्पंमुनाः
 पियाच्वना ।

छुं खने दै मखु
 मिखात खने मदुतले
 न्ह्याव्लें च्वइच्वनीगु नगुत थें
 कः कः धाःगु पत्र पत्र हलं जाइच्वंगु गुलाव थें
 बी निभालय् खने दुगु मृप्युया राज्यय्,
 च्वंपि मनूतय् छगू प्वंगु आशा श्व ।

(५)

का, की कंमाय् चाःहुला च्वना आः
 उखे कंमा, थुखे कंमा, प्यखें कंमा थहां वइच्वंगु दु
 सुथया न्याताः इलय्
 का, की कंमाय् चाःहुला च्वना आः
 विचार व यथार्थया दथुइ
 लहाः व ज्याया दथुइ
 हाकुक्क किपालु कुतुंवइ
 छायाकि, मृत्यु ! श्व छंगु हे राज्य खः ।
 धारणा व सृष्टिया दथुइ
 जोश व प्रयोगया दथुइ
 हाकुक्क किपालु कुतुंवइ
 उफ् ! जीवन तसकं तसकं ताःहाकः जुल ।
 इच्छा व संभोगया दथुइ
 पुंसकत्व व जीवनया दथुइ
 सौन्दर्य व रूपया दथुइ
 हाकुक्क किपालु कुतुंवइ
 छायाकि, मृत्यु ! श्व छंगु हे राज्य खः ।
 छायाकि छंगु खः
 जीवन छंगु खः ।
 थन दक्व फुक्व छंगु खः -
 संसारया अन्त्य थुकथं हे जुइगु खः
 संसारया अन्त्य थुकथं हे जुइगु खः
 संसारया अन्त्य थुकथं हे जुइगु खः
 छगू विस्फोट लिसे मखु
 छगू मधूर स्याःचालय्
 छगू सीमदुगु छत्पत्त्य

भाय् ह्यूह्य - केशवमान शाक्य

त्रिसुलि- जिगु मिखाय्

सुरेन्द्र शाक्य, त्रिसुलि

थय्वक स्वयेबलय्

त्रिसुलि- खुसि शान्त ।

थनयालः - निर्मल, पवित्र ।

अय्न्,

थवया नुगः शान्त मजू ।

थव शान्तिया दुने छगू छटपटी दु दुघाः दु ।

त्वहँतय् हाःसां

थुन्नां चुइक दःसां

सुं क चवने मदु थवया ।

अकें त्रिसुलि,

जीवन- बाखंया म्ये दयेकाः

जुहारी म्ये हालाः विरह प्वंकाः

खवया चवनी, न्ह्याना चवनी ।

न्ह्याना चवनी, खवया चवनी ।

त्रिसुलि खुसि- अन्जान बेरोजगार न्याया

छगू बस्ति खः ।

थनया प्रत्येक न्या विवश थःगु प्वाथं यानाः ।

अकें थुपि,

थवं थवय् त्वानाः, स्यानाः

मवायेत स्वइ ।

थूमिसं छु सिउ, सुलिसे त्वाये माः ?

थूमिसं छु सिउ, सुयात स्याये माः ?

अँ, अले-

थ्वहे खुसिलिक्क छगू बस्ति दु ।

थ्व माफिया बस्ति खः ।

थ्व छगू बजार खः ।

थ्वहे बस्तिया दथइ छगः देगः दु ।

पाप त्वपुयाः दनातःगु

थ्व देगः च्वस्सं

धर्मया पताका छगू

व्वइचवंगु दु ।

थनया माफिनसें

प्रत्येक सन्ध्या- इलय्

खुसिसिथय् ऊवःलाक दनाः

बल्ल्ही नसा व्वयाः

न्या कयंकी ।

थ्व छगू व्यापार खः- माफिया ।

थ्व छगू पेशा खः- माफिया ।

फुसय् चवंगु तापुतिइ

मोटरय् कण्डा फरफर व्वयेकाः

न्याया खवःसः ताःसां मताःछू यानाः,

माफिया बल्ल्छ खसां मखंछू यानाः,

लानाचवंगु न्या

थःत नं छुं व्वति वइ थें

इतिइति ह्लिलाः व्वाना चवनी ।

इतिइति ह्लिलाः व्वाना चवनी ।

○

नेपाल सम्बत नेपाःया राष्ट्रिय सम्बत खः

की सुं सराः गूस्त सः मदुपिं

त्वहं मखु

जीवन कंसकार

चवसां जक थियाचवंगु स्वर्ग स्वयाः
गथे प्याय्वाः तनी अत्याख मिखाया
धात्यों स्वर्ग ला जः पिज्वःगु जुइमाः
कां स्वर्गया छु मतलव
थौं की म्वानाचवना मछिमछि
ख्वाउंया परिवेशय्
घण्टाघरया सः ल्याःख्याख्यां
प्रत्येक हिनू ख्वाउं भुतुली स्वर्थके व्युव्युं
ह्लाः तुति चनकु चनकुं
थौं की पलाः ततं वनाचवना
न्हूगु स्वाःनेय्
कह्यया क्वाःजः लुमंकाः
छयं हे ततज्याक
तर सुनां धायेफु
अन स्वाःने त्वाथलय्
चकू लिकाकां यंकाचवंगु दु
गन
लंपख्याःतसें पत्तुपपं
चवत्यंक ध्वाना हयाचवन
ह्लाती प्लास्तर तयेकु तयेकुं
कीगु ह्लाः हे प्याखं हुइ धुंकल इमिगु मन्त्रय्

थःगु हे न्यतालय् चाराकक दाये माःसां
की- तक्थन इमिगु पद्यन्त्रय्
म्वाःम्वाकं दं कायेत याना चवंगु अभिनयय्
मिखा तुंकाचवंपि कीगु ह्लातिइ
कौ इला तयेमाः वय् बुत्तु बुलाः
सहि जक तयेसःगु पतिचां- ध्याप्प तयावी धकाः
अयनं की गुपचुप
दया मायाया त्वचं गूस्त उवी धुंकूगु न्ह्यपुं
थःम्हं लहिनाह्म खिचां ह्वय् च्याकक न्याःगु वाःचालं नं
सासः तक नं ह्लाये मफुगु शक्ति कीके थौं
जि अजातशत्रुया श्रीमती थें
जि देश विद्रोही ध्व थायया
चैत्यया जलं मुक्त जुइ मफुह्म जि
जि चित्ताय् दक हले मास्तिवः विश्व हे थक्क
सासः हे थ चव्वीमा
तर लाखय् लसिया न्ह्यःने पुनखुं मैचिया छु अर्थ
सत्यता खतनःगु इलय्
गुलि निरास निरुद्देश्य जीवन
वास्तविक यथार्थतायात घुतिनेगु वाध्यतां
नुगः जक चेचेतुइकाः गुलि चवंचवने की
मिखा जक पुलु पुलु कनाः
अगिमथः स्यायेगु मनसां
छफुति छफुति हि फुति
मायनद्वेक्सं पाय्क यानाः
ह्याउँपि मचातय्त ग.पः त्युत्युं
उसिहि न्ह्यज्यानाचवंगु पलाः ख्वाय्त स्वयाः
न्हूगु दं इलं सःतुगु ई की
ह्लाः- तुति स्वहायेके बियाः वाथावाथा कंपि की

हिसाब, नुगलं याःगु

गिरिजाप्रसाद जोशी

नमस्ते यायेफक्व याये धुंकाः नं
जिगु नुगलं हिसाब यानातःगु दु कि
व छहा गधा खः
व मनूया ल्याखय् छहा गधा मस्यु स्वैगु
भूलं च्वंवःगु खः
जि स्यू, व तुरुन्त सीगालय् थुना छ्वयेमाःह
मनू खः
वयात तःधं यानाः जि अपराध जक याःगु मखु
व केवल जिगुहे अपराधं तःधं जूगु खः
जि अपराधीया ह्लातं देदेतंगु नमस्तें
व तःधिकः जूगु खः
व ला जिगुहे चाकरि व नमस्तें भुतुभुनाः
छगः भकुंग्वारा थें तःग्वः जूगु खः
उह ! जिगु अपराध -
उलिमछि अन्तर्वाता ब्यूवःपि ... जि सिवे योग्यपि
गुलि दै फुकसित छेवे चीकाः जि च्वने थदु
जि धाः वनाः, जि गुलिसित अन्याः याः वना
अहो ! जि गपाय्धंगु अपराध याः वना

गधायात छः याः वना
अज्याःगुहे अपराधया ह्लातं ज्यानातःगु सलामी व
सेवां हे व कारय् महान् जूगु खः
अय् व हखमानचा जि वयाथाय् वंगु मखना
बुं छें वनी, छें बुं वनी
स्वैथाय्सं वंगु मखना
व वेखाभाइचा पसलं छें वनी छें पसलय् वनी
वैथाय् वंगु मखना
आहा ! वैथाय् सुं मवंमा गुलि ज्यू
जागीर नयाः जक म्वायेत जन्म जूगु खःसा
जागीर मदयाः सी हे व्यु
जि थज्याःगु अपराध सुनां मयाःसा गुलि ज्यू
आहा ! व ज्याय्खेले मदुगु अड्डात चचकनाः अन
तिनख्यः जूसा गुलि ज्यू
आहा ! वयाथाय् सुं मवंसा गुलि ज्यू
पिने वइवलय् नापं सुनानं हाःनाः मदयाः
व छटपट जूगु स्वये दुसा गुलि ज्यू
नमस्ते यायेफक्व याये धुना नं
जिगु नुगलं हिसाब याना तःगुहे दु कि
व छहा गधा खः
अले व याकनं
गधा सिद्ध जूसा गुलि ज्यू !



की उपेक्षित फुककं कुलि चिने
थःगु ह्लाः- तुति स्वाये हानं कीसं
हानं विद्रोह पी कीसं थःगु सलय्
आज्जु मदुगु अभियानय् आज्जु कायेत
कीसं लें बुइके गुं पर्वतय् नं, थःगुहे तुति
फ़िजांदंगु मसानय् व्यांचुलि सलं थ्वयेकेत
का हा ! की सुं सरा ग्रस्त सः मदुपि त्वहं मखु
का थ्व वक्वचिनातःगु ख्वाउँभुतू तख्या
वाउँ भुतूया अर्थ छु दु कीगु जीवनय्

ख्वाउँ भुतू भुतू मखु ।
कीत पनातःपि लपंख्याः सु खः ?
कीसं न्हुया वने, कं चक्का हे नं ललद्याक ग्वग्वतुइक
त्वाथःया चुकू लिकयाः दं कायेत स्वयाच्वंपिन्त
ह्लय्गः अप्पां दारेयाये
आखीर कीगु स्वर्ग त्वत्वपुयाः
स्वर्गया अभिनय यानाच्वंहा खसु
लः जुयाः क्वाहां मवसे गय् गाइ ?
धुलय् लानाः मसुसें गय् गाइ ?

हीमीचाःगु फसय् छगू नुगः

वर्तमान छगू अनुभूति

प्रतिसरा साय्मि

संघ 'यज्यू' शाक्य

श्व छु ?

अहो !

सलाइ - जि

इथरं जाःगु खयलय्

म्बानाचवना -

तुतां मरुहा खू थें

याकाद्याका

फय् छत्थु वल कि

हाई

श्वहे ला जिगु जीवन ?

निभाः त्वयेवं नाइगु च्वापु

जि छु धात्थें स्याउला हः ला ?

अहो !

का स्व गंगालालं थुकलं बिल

धर्मभक्तं फुटवल ध्वात जितः

शुक्रराजं का त्हां पति धस्वाकीन दः

दशरथं स्व स्व दः

च्च ... च्च ... का धाःगु

फसपूगु लप्तेका धाःगु

अँ खः नि

फय् वयां जि छाय् सने ?

हिनुली हि ख्वाउँ ज्वीवं

जोशया हिटरया टुपिन थुने म्वाःला ?

स्वये,

जि टनिक मरुगु हा -

ह्लिछि ज्या यानाः नं

छगः प्वाः कःघाये मफुगु भारं

कय्च्यानाच्वंगु नेपाः (मेची-काली)

शायद्

थौया घोषित जुयाच्वंगु विकाश

मिखा दयाः नं खंके मफुगु

श्व म्वाःम्वाः वरवरताया पःखाःत

शायद् श्व छगू चुनौति

थौया युगयात,

थौया ईयात ।



जितः हनीगु सिन्का मक्कुसा

जि - लप्तेया अस्तित्व

थुने जि तिसाय् हिरा थें

तर

क्वखं घालय् क्वाःसां ख्वाये मफुहा सा,

जिगु श्व कमजोरी

कतांमरिया नुगःवाः

प्याःगु सलाइ जि -

नालय् त्वःगु फकंमा

ध्याचलय् कुतुवंगु वासः

जि छम्हं हे छु - छु

स्वप्न कविता

आनन्द जोशी

वसन्त अर्थेहे लिहांवन

ख ला शुगुसी नं
वाउंगु जीवन बुइकेगु यक्व इच्छात म्वाकाः
वसन्तं दुस्वःवःगु दु कीथाय्
तर, बुंया चा अर्थे हे वेहोस तिनि !
लः त्वने मखनाः बुंया चा अर्थेहे चिरिचिरि बाया हे
चवनतिनि !

उकि,

वा-पुसा ज्वनाः वा पीत वःहा ज्यापु
बुँइ फि त्वपुयाचवंगु खनाः
लागिमिगि चायाः लिहां वं थें
वसन्त लिहां वन शुगुसी नं थन !
खः, वसन्त हानं छकः लिहां वन -
कीत, कीगु असमर्थतायात हिस्यानाः!

खुसि थः यस्सें गुबलें नं गनी मखु

खुसि थः यस्सें गुबलें नं गनी मखु
गनीहा खुसि मखु !
तर, गुलि असमर्थ व खुसि
छफुति निफुति यायां गनावनाचवंगु क्रमयात पनेत !
खः, सूर्यया प्रत्येक जति

साहु छगः निगः यायां शोषण याः थें
छफुति निफुति यायां त्वना
स्वस्वं हे चिव्या जुयावनाचवन खुसि !
गं लिसे थःगु जःखः फिसः फिसः खनाचवन खुसि !
अरे, छं गाः म्हुया स्व
फिसः दुनेया लः नं गुलि आतुर म्वायेत, म्वाना बीत !
खः, थः गनावनाचवंगु खनाः नं
सह याना चवने माःहा खुसि
खुसि खयाः नं
व जिन्दगी खः
छहा भरियाया, छहा कुल्लिया, छहा ज्यामिया ।

पाःलूथाय् न्हायेवं तुं लः खुसि मखु

तव्या जुइगु अभियान नुगलय् ब्वलंकाः
खुसि
थः निखेया सि ज्ययेका यंका चवन
मानो व खुसि हे खुसिया अभियानया निम्ति
तःधंगु पंगलः खः !

दनाचवंह सि ला म्वागतुल, ज्यलावन

खुसि निश्चय नं तव्या जुल
तर वं थःगु प्रवाह तंकल
बुँइ थनातःगु लः थें
पाःलूथाय् लः घुसुहं न्हायनाचवन !
अय्, पाःलूथाय् न्हायेवं तुं लः खुसि मखु
सि मदयेक न्हायनाचवंगु लः खुसि गय् जुइ फइ ?
प्रवाह नापं म्वायेत ला
खुसियात सि माः !

न्हूदँया न्हू खँ

दुर्गालाल

ख्युं स्य लुमधं खाः वयाः थौं
क्रीत धँच्वन न्हूगु दं -
गो छु हे जुल दँय् - दसंया
छिमि सभा सम्मेलनं ?

मखु, ख हे मखु, वनेगु थय् मखु
अन थयनी मखु थय् वनां
सो खवया च्वन न्ह्योन्य वपि
शत्रुया तुति ववय् च्वनाः

लक्ष्य गुगु खः, वन्यगु गुगु लं
छुं ग्वसाः मग्वसें छिपि
वन, वनां च्वन वन्यगु नामय्
हा ! गपाय्चवः धवां छिपि !

अत्य गनं हिल्य फेगु धा जि
छुं मस्युपि स्वां हिलां ?
थन जि वय्धुन धाय्गु हे गय्
मात्र क्यालेन्डर हिलां ?

शत्रुया अन्याः लुमकाः
तं घृणा नुगलय् मुनाः
न्हूगु जोशं, न्हूगु होशं
लक्ष्य नं न्हू तातुनाः

आस्य, पलख दिनाः बिचाः या
छाय् छिपि थय् वै च्वना
आज्जु हे काय् मडुगु लँय् छाय्
चःति सिर्ति छवै च्वना

वय्त जा आय्बू जि छिम्थाय्
किन्तु गो जिगु वय्गु लँ ?
थन जितः छिमि हय्गु जूसा
न्हू छगू नि संघ स्वं

फुक्क छहा थें, अन्त यायां
रूढीगत व्यवधानया
तंगु छिमि संसार लुइकयत
न्याय्कि याः अभियानया

स्वस्वखं हे थः शत्रुं
यां कयाः दाः वयेक नं
छाय् नुगःया स्याः पिज्वय्काः
खवय् मफुगु हां तिस्सलं

मात्र दुर्वल कलम संकां
गय् थव पर्वः चीक्य फे ?
मुइकय तुपतं हे मफय्कं
गय् थव ईव्यः हीक्य फे ?

छिमिगु गति हे लँपु जुया बी
स्वां जुया बी कं तकं
न्ह्याक्कव हे तःजाःगु जुइमा
क्वच्छुना बी पर्वतं

मजिल मजिल थव मजिल छुं हे
हीकि ह्लापां थःगु लँ
त्वःति उह्य नेता गुम्हेस्यां
छिम्त छवै हल मखुगु लं

मखु, छयनय् मखु, न्ह्यपु व नुगलय्
लालपात्या स्वां छुनाः
खंगु चाय्काः दय्कि सहलह
फुक छथाय् छहा थें मुनाः

छिमि मिखा छूथा पति हे
थिकु थिकु थिकु ताः बियाः
लालपात्या मुसुकया बी
छिमिगु स्वागत म्ये जुयाः ॥

छगू न्हू-दँ दना वइ

प्रवीण शुक्ल

छगू तःजाःगु हिमाल दुगु देश
गनला जि बूगु खः
थन, जि थःन्हं हे धकिं चायेका स्वये फत
जितः मती लुल-
तःजायेमाःगु जि मखु हिमाल खः
गुहा थः हे स्वयं तःजाः
जिला मात्र थवया छ्यं क्वछुके मबी ।
तर, देशया हि बिदेशय् न्ह्यानाचवंगु खनाः-
सगरमाथा भुरलुं च्वनाच्वन;
अले, छगू हागस घानाः-
थ्व असह्य वास्तविकतायात न्हंके माः जि ।
खः, गन जि धकिं चायेका स्वया
जि चाल-
समृद्ध ज्वी माःगु जि मखु
जि बूगु देश स्वयं समृद्धिशाली खः,
तर, लाकां मडुपि तुतित, लं मडुपि नांगापि

-थ्व यथार्थतां श्वत्त्वपुयाच्वन

जिगु देया समृद्धि;

अले, छगू हागस घानाः-

थ्व यथार्थता च्वत्तुक्क हुयाछुवये माः जि ।

जिगु हागस- असह्य वास्तविकतायात न्हंकेगु ।

जिगु हागस- असह्य यथार्थतायात च्वत्तुक्क हुइगु ।

तर, ... छघुतु लःया लागि तकं सः तये मफेचवंगु ई

थ्व इलय्-

ह्लि छगू आत्महत्या बुइकाःनं सी मफुहा छगू आत्महत्या जि

अहो ! जिला तालं गव्यातःगु क्वथा दुने थौं तक

जिगु हागस पी मखन धाःसा छु याये

छगू मृत्यु - खिचा सी थें जाःगु मृत्यु

... मखु, ... मखु ... ।

जि जिगु हागस पी मानि

जि थनं पिहां बनेमाः

पःखाः थुनाःसां

लुखा तछ्यानाःसां

जि अले हागस पिनाः ज्वार्यो ज्वार्यो सयेके

अले छगू न्हू-दँ हथासं दनावइ

तःजाःगु व समृद्धिशाली जिगु देशगात लसकुस यायेत ।

○

न्हूदँया लसताय्

साहित्यया मूलुखा, यलपाखें पिदंगु

‘ज्वला न्हाय्कं’

न्यानाः ब्वना दिसँ

थौं वं बांलाक थुल

चिनियालाल बज्राचार्य

थौं स्वांयाःपुत्ती । त्वालय् च्वंगु विहारय् ऊ ऊ घायेक
समाःयाना तःगु दु । न्ह्योखाइलय् निसें छके वनाच्वंपि
मिस्तय् हाःसः दु । चःतुइकथं विहारय् बुद्ध पूजा शुरु जुल ।
श्वाथःगु तुतःसफू दथुइ तयाः पेचाःखेरं बुरात न्याहा खुहा
कुं चाय् च्वनाः तुतः हालेगु सुरसार याना च्वन ।

अष्टमानचा नं स्वःस्वीलुहाः ह्यिगःतिनि मिसां
हियातःगु बिचय्बिचय् भूवानाः कय्कय् कुना च्वंगु वसः
पुनाः बुद्ध पूजाय् सामेल जूवल । पूजा सिधयेकाः भन्तेया
धर्मदेशना ध्यान बिबाः न्यन अनंलि सकस्यां सरलय्
नुगलं निसें श्रद्धा तयाः पञ्चशील नं काल !

‘का जिला थौं पञ्चशील कया वया । नयेगु थीके
वले भचा ख्याल या, लालि लाःवनी । थौंयात बकां नं थने
स्वाःल । हेका खं ला छाया ल्हाये थौं लातं न चाये मखु ।
घाघां कलाःम्हेसिया खाःछक्कः स्वल । कलाहा मुसुं
ह्लिलाः भुतुली मि खात ।

सुथय् जा जि नये धुंकाः लासाय् ग्वारा तुल । बकां
लुमंसि वल छुं लुमदंथें, पित्याःथें, ककु स्वत्ताःथें नुगःपा
खाउंसे च्वंथें जुया वल । उसुं मुसुं धायाः ग्वाखनय् च्वंगु
थूया चुरोट ज्वन हाकनं मती लुल-मयल थौं छन्हू त्वने हे
मखुका । ल्हने धुं कुगु चुरोट त्वःताः ग्वारा तुलाः पाह्लाः
मूचि नाः म्हुतुसि दिकाः मिखा तिसिनाः चुरोट साःथें
यानाः सुइत सुइत खाली सासः साल कुं पिकाःथें यानाः
फुरुर मिं ताहाकःगु सासः पिकाल । थुकथं हे आत्म-
सन्तोष यानाः वं आह्लां न्ह्यः वयेकल ।

न्ह्यलं चायाकथं वार्ज-गार्ज दाफा भजन ज्ञानमाला
भजनया हाःसः ताल । मात्ति चाचां लखं भचा पियाः रथ
यात्राय् सामेल जूवन । भगवानया रथ ल्हने धुं कुगु जुया
च्वन । भभ नंक ऊवलय् वनाः भजन हालाः पलाः न्ह्यःने
छित ।

बोह्लिथ सम्पूर्ण नगरय् रथ परिक्रमा सिधये धुंकाः
सकलें थःथःछेंय् लिहांवन । अष्टमानचा नं त्यानुक छें
लिहां वया च्वंगु बखतय् लेंपुइ गालिचाय् नपसत्यां ह्लाःत
इसरा यानाः सताः धाल- थौं ला धार्थेहे जमे जूहा लाना
च्वन । द्वाःछ्वेलाः स्वरे स्वे गुलि जमेजू । धाघां छ्वेला
भेगः उलाः लिक्क ब्वयाः कयन । हस्स मिं बास वय् कथं
वया म्हुतु जायेक ई वल । प्वाथं निसें पित्यानावल ।
नुगः चुं निसें मिप्वाला पिहां वःथें जुल । ‘गुलिया तइबी’
धइगु सः वयकथं वं दुने वनाः बेच्य बुलू थुचू च्वन ।
‘थौं ला शील कइ तयागु दु, मय ... धकाः वं धाये मलावं
हे ‘का स्वाःल छ नं भिक्षु ज्वी तिनाला ! अरहत हे
ज्वीगु ला छु !’ धकाः वं रिंकापिचाय् दंक छवय्ला
बजि तयाः न्ह्यःच्याकल । ह्लिछि रथ यात्राय् चाःहिलाः
पित्याना च्वंगु यइपुसे च्वंगु छवय्ला वास् अले पसत्या
पासाया आते आग्रह थ्व स्वंगु स्थितिया बसय लानाः वं
‘म्वालका न्यागू शीलय् छगू शील तोफिनां छु जुल, बाकी
प्यंगू या पुन्य फलला ल्यं दु हे दुनि’ धकाः मत्ती तयाः वं
रिकापि ज्वन । हाकनं ज्वाइय च्वंगु ऐला छवला नं वया
न्ह्योने तयेहल । थ्व ला थौं मय बा ... छुं धाये मलावं हे

ऐला: मदयेक नं छवय्ला कथु ववांवनी याला, वया: खं ह्लाई ! धाऱुगु सः वया ह्ताय्पनय् दुहांवन । 'ख नं ख: छवय्ला हे जति नये माल धा:सा ऐला छाय् मत्वनेगु । नित्ता शील वन का, स्वंगू शील ला बाकी हे दनि' धका: मति तया: वं छवय्ला भ्वा: तित्युं ऐला: घुतकल ।

नये त्वने सिधयेका: वं धेवा बगली स्वल मडु । ए थाकुचाय् मते ह्तां, धेबाला लिपा जक बी' धका: धायेवं पसल्यां मिखावः तगवका:- थौं या दिनयूनं सुनां थिका बीला क्या:... छे नं कया हकि रे ... धका: धायेवं व 'आ: थर्थे हय्' धका: धया: म्हुतु पिप्युं ततः पला: याना: छेय् थ्यन । छेय् ध्यबा दुगु मखु । दुगु फुकं ह्तिगःतिनि जाकि केँ चि कया: फूगु । छुयाय् छुयाय् जुल । तलय् कला:म्हेसं जा थुया च्वंगु श्वीका: तीजक कला:या सन्दूसचा चायेका: ह्तिचा दुने च्वंगु नितका दां कया: स्वारा म्वारां स्वाहानं ववाहां वल अलय् तप्यंक न पसल्या या ह्तातय् तइबिया: - जि थुलि नं बी मफइह्ता ताया ला ? धका: नुगःपा तस्वाका: बजारय् पाखे धि धि मिमि पला: छित ।

बजारय् दश्वी थ्यं बलय् समेयाना: वइच्चं पि यक्को मिसा मिजं वं खन । अनथाय् हे छह्ता अतिकं बांला:ह्ता मयुजुं अर्धनग्न जुया: तइसे च्वंगु नुगःपा यच्चुसे च्वंगु जै, यच्चुस्से च्वंगु लप्पा व पिलाक्व खना: व मुग्ध जुल । वइत वं स्वया च्वना । वइगु हिसिचा दुगु मोहनीं जा:गु पहः खना: वया काम दृष्टि चाल । मिसा थःगु लै लिया: खने मदये धुंका: वइत हाकनं सुथय् शील कयागु लुमसि व । धत्तेरीका ! स्वंगू शील नं फुतका । बाकी गु निगू शील ला जि अवश्य पालन यायेका धका: मत तया: व छेय् थ्यन ।

बहनी जा नये धका: पिराचाय् च्वनेत मनेवं

कला:म्हे स्यां न्वात - शील कया धयागु मखुला ? गनं जक त्वना फागु ज्वी ! छाय् धका: धा:गु न्यने कथं वया म्हुतु अनायास प्वाक्क मिक पिहां वल - मत्वना, साय् लाने त्वनी ... धाये मलावं म्वाल म्वाल पा: फया दी मते । शील कयागु वहेला ? भपिका धका: जा भु न्ह्यच्याकल । जा न नं वइत सुख मदया वल । प्यंगू शील अर्थे हे वन का । आ: बाकि छगू दनि ... थ्व छगू जक सां पालन यायेका धका: मती तया: जा नन । जा ननं ह्ताय्पनय् ... जिगु ह्तिचाय् च्वंगु नितका दां खने मडु । छिसं कया दियाला ? धका: धा:गु सः ह्ताय्पनय् दुहांवन । मकया: धका: धायेवं कला:म्हेसं सुनां जक खुया काल ज्वी धका: धा:गु शब्द न्यनेवं वया नुगः रुवाउँसे च्वना वल । जा प्यय् कथुं कुहां मवन । छगू नं शील ल्यं मन्त, धइगु मती तया: अर्थे नुसिला: दना वन ।

कह्लय् खुन्हु सुथय् हाकनं उमिमिक विहारय् भन्तेया न्ह्योने अपराधी थें जुया: थुचुं च्वं वन । वया म्हुतुं पिहां वल - भन्ते, क्षमा याना बिज्याह्ने ह्तिगः कयागु पंचशील ला जि छगू हे पालन याये मफुत । थुकि जुया: थौं चाह्लय् बांलाक न्ह्यो हे मवल ।

भन्ते गम्भीर भावं धाल- शील कयार्थे पालन ला यायेहे मा: । स्व, तर छंत तृष्णां साल ज्व । छगू तृष्णां मेगू तृष्णा साली अले वं हाकनं राग ... द्वेष ... पाप ... सालाहइ ।

अय्सा थ्व पाप कटे यायेत जि छु प्रायश्चित्त याये माली' धका: वं न्यनेवं भन्तेन हाकनं धाल- ह्तिगः यागु शील बूत भंग या:गु जुया: छंत दुख व पञ्चातापया भाव वल धा:सा थ्व हे छंगु प्राय-श्चित्त ख: । हाकनं थःम्हं यानागु पाप अपराध स्वीकार यायेगु नं मेगु प्रायश्चित्त ख: । म्वा:ल मन यात शान्त या, धका: व्यगु उपदेश थौं वं बांलाक थुल ○

सिना वने न्हयः

केशव शाक्य

खसुं प्यानाच्चंगु पल्ली न्यंक निभाः इल । बुलुहुं
बुलुहुं हा पवाल्ल थहां वयाच्चन । थहांवःगु हा फसय्
बुलुहुं बुलुहुं तनावनाच्चन । निभाः लुमुलुमु धाधां
वइच्चन । निभाः कःभी न्यंक त्वल ।

भुनातया, अय्नं हा थुरुथुरु खानाच्चंगु
खातं । नकतिनि भचा लुमुलुमु धाल । ह्लापा ह्लापा
जि थुलि चिकु मताः । तर, थौं-कल्लय् ... छुजूगु,
... छुजूगु ! निभाः व मकः ला घौ पलख त्वःते
फुगु मखु । खः, थ्व इलं यानाः थथे जूगु ।
थ्व ई व ई मखय् धुकल । थौं कल्लय् ला सासः
या गति नं हा जू थें च्वं । याकनं याकनं सासः
ह्लाये धकाः स्वये, न्हाक्व या अथेहे । बुलुहुं सासः
दुहां वइ, बुलुहुं पिहां वनी । छकः व ई नं मछ्यलागु
मखु ... जिगु छाति बरेया ज्यासल्य् भौ खवायेबल्य्
थें सं । उबल्य् छकः छकः न्याक्क सासः ह्लाये
बल्य् तागत बुल्ल नुगः दंक बुयावइ । तर थौं-
कल्लय्

छेंया मनूतय् नं जि दु महु छुं वास्ता महु ।
सुथय् छकः सिलुचा वयाः क्वथाय् वं पुइ । बस्
अले सुयां ह्लिछि तक छुं वास्ता दइ मखु । तः
धिकःहा काय् अड्डा वनी । वइगु छ्यनय् च्वंगु सँ
हे गुलि तुयी धुकल । तःधीह्मा भौया मस्तय्त जक

व्वः व्वियुं लिमलाड । माइलाम्हेसिया पसः धन्दा ।
घरि घरि माल ताल स्वः वनी, घरिघरि पसल्य् च्वनी ।
साहिलाया कलाः बांमलाः धकाः नुगः मच्वं, ह्लिच्छि
उखें थुखें त्वना जुइ । काइलाया अछु हे व्वने मगाःनि ।
न्हाब्लें फेल - न्हाब्लें फेल । न्हाब्लें स्व- ग्वाः
ग्वाः मस्त जक । म्हाय्पि धाइ बिया छवये धुकूपि ।
तःधीह्मा म्हाय् ला जि स्वयाः न्हाःहे थ्व संसार
याउँसे च्वंक त्वःता वने धुकल । ग्वाः ग्वाः मस्त
जक त्वःताः । जिलाजं नं भचा चीमिह्मा लात ।
मस्तय् भचा दुःख का । ह्लापां लाः व जिलाजंयात
बी मखु धकाः दते जुयागु खः, तर केहेभत छहा
मानेहे जूगु मखु । भिद्यः खलःत- साप व्यवहार सःपि
धकाः धिपि त्वःतूगुहे मखु । जि मचा छहा अर्थे
हे दुखं सिनावन । मेह्मा म्हाय् ज्ञानिथकु भिमफेडी ।
छुं हाल खबर स्यूगु मखु । ग्वःहा मस्त दत व नं
छुं स्यूगु मखु । अखुहुं जक तःधीह्मा छय्या व्याहाः
न्याः धकाः धाःगु । छु जुल थें, छु स्यूगु मखु ।
चीधीह्मा म्हाय् नं क्वसः बांलाक बी मफुगुलि तम्बयेकाः
वंहा वनं । छुयाये, बिया छवइबल्य् छें भचा स्यना-
च्वंगु पाः लात । बांलाक क्वसः तये मफुत । थ्व
कपूत काय्पिसं नं भचा हे ग्वाहालि याःगु मखु ।

साहिंलाया भौ नं गुलि चन्दालहा ला:गु । न्ह्याव्लें
 स्व कच्कच् कच्कच् । माहिंलाया भौ छहा जक
 भचा हेरबिचा: या: व: । तर बफराया नं मचा
 छहाहे मडुगुलि मन खव: । रव, सुनां वास्ता
 याइ जित: । न्ह्याहा स्व, जि खना: घच्चा:पि जक ।
 वस: छजु नं यच्चुक पुने मखं । जिगु मिखां मछुइ
 धुंकल, तर नं मुलुइ सुका हना: परका जुइ मा: ।
 ... ओ ह, व छहा जक दुसां न गुलि अ:पुइगु
 । : तर व नं गुलि मत्यवं हे मन्त । थये कष्ट
 नयेगु हे चवया तल खनि । छुयाये दक्कं पूर्व जन्मया
 हे फल का ।

“बाज्या, जा न: वा हँ ।” नां नं मस्यू जि
 थ्व छय्यागु । न्ह्याव्लें थ्वहे छ्यनं नयेगु ई कं वइ ।
 मेपिनि ला वास्तारे मडु । छ्यनं तुतां ज्वंकल ।
 उफ् ! थ्व जँ न गुलि स्याये मा:गु । पयतुल कि
 दने मज्यू । दन कि पयतुइ । स्वाहानें व्वहां वने
 बलय् तुति पयारपयार खा: । कुतुं वनी धका: ह्य
 ज्यू मडु । जिवं ब्यूवल्य् जि थम्हं हे लिधंकागु
 स्वहाने थ्व, तर थ: हे थहां व्वहां जुइ थाकुल ।

... .. क्या याउँ साहुतय् । कपूतत ! अबुयात
 ह्लापां नकेगु गन गन, फां थें स्वाप्रा स्वाप्रा नइच्चन
 कपूतत । जि वल धका: अय्क छक: नं थस्वये मा:गु
 मडु । ... थ्व छु, जित: नकेगु जा ला ! जा
 छकू, केँ भचा- दुरु वागू गिलासं । साहुतय् ला
 वाय् थाक नयेगु, क:क:चा सियात:गु तरकारी ।
 जित: वा मडुहा धका: थय्क छना निता नायूगु दयेका

वौ धैगु मडु । साहुत ख:, थुपि पूर्व जन्मया
 साहुत । ... थ्व छें ... थ्व छें जि दयेकागु ...
 जिगु हि-च:ति दयेकागु ... थुपि स्व, ... बुरा बुरा
 जुइ धुंकल ... त्व:धूगु धलि छपु हिले मफुनि थुमिसं ।
 अबुया गलखय् प्यंका: नइच्चपि साहुत । तोखाय्
 च्वंगु बुँ छकू मडु सा ... नइका साप । व बुँ नं
 जिगु च:ति कमे यानागु बुँ तिनि । मुस्या पस: तथा:
 कमे यानागु छें बुँ थ्व । तर स्व, जित: नकात:गु
 थुमिसं । य:सा छप्ये जा घिचे या, मय:सा छां
 लाना: सिना हँ । ... हिनय् फुकस्यां ध्यलय् सिया:
 छौं छौं वजि नइ, जित: सुयां अय्क न्यने धैगु
 मडु ।

खवि सुल्ल ज्वल । हेता:गु न्यतालय् बा: वल ।
 कथु हहतित । जाप्ये धुतके मफु । न्यालु ... थ्व
 जा न्यलु । जिगु कष्ट सुनां मथू तर । दुरु जक
 त्वना: दना । तं कुनुकुनु पिहां वल । जा भुइ
 प्वंका बिया, “कपूतत, जि सीगु पियाच्चपि कपूतत ।
 जुरु जुरु पला: छिना: कसी च्वंवना । कुने कपूत-
 तसें जित: छु धाल जुइ व जि थू । “बुरा जुया
 व:लिसे सिद्धि मदइ वल ” धाल जुइ का । धायेके
 ब्यु -कला:या पसि फाइपि कपूतत ।

... .. उफ् ! जँ स्यात । तसकं हे जँ स्यात । जि
 सिना वंसां जिले । छाय् म्वानाच्चनागु जि थये ।
 मिखां मछुइ धुंकल, ह्याय्पनं मताये धुंकल । न्ह्याव्लें
 हा ख्वाउँ । चच्छि चच्छि न्ह्य: मवये धुंकल । याक:चा ।
 याक:चा म्वाना च्वनेमा: । ज्व:पि सुं मदये
 धुंकल । थौने तक तारेमाम छहा दुगु । व नं परलोक

सुधरे याना वन । साप भाग्यमानि । जि ? जि
पापी । खः, जि पापी । श्व स्वाः स्वाकं नर्क
भोगे यानाचवनागु खः, थय्क दुःख सुखया खं ह्लायेपि
सुं मन्त । ह्लिच्छि चच्छि याकःवा । पिहां नं वने
मफुत । कःसि क्वथाय् । क्वथां कःसि । बसु ।

... .. बजां छकः त्वने मास्तिवल । तर सुनां
थना बी । बजां त्वने मखंगु नं व मदुसां निसें
हे धाःसां ज्यू । आः ला ह्लाचिलं हे गन गन
वान्छुवया बी धुं कल जुइ । उखुन्ह नं नःकथिया सल
दयेकाः छुइ ह्मिताच्वंगु खना । छकः हाला ...अःखः
ऊन भौ नं 'मस्तय् ह्मिटे स्वाःला' धकाः हक्कल । जि
साप यःगु नःकथि व- जर्नेल साबं बकस बिया हःगु ।

कःसि म्वलं निभाः पुल । चि चि धायावल ।
म्वलय् छवथां चखुं चात चिरिचिरि हालाचवन । जि
मचाबलय् निसें हे श्व कःसि म्वलय् चखुं चात साप
जू वः । का ... का ... हय् ... हय् ... न्हावलं
तिन्हया वःह्य हाकुह्य भति चखुं चा छह्य ज्वन । जि
व्वःबिया । तेरे मयाः । जि दना वनाः ख्याः वने
मफु । का स्व ... राम राम । अनसं चवनाः
भति पा पुल । का का छंय म्वाराम्वारां न्ह्यल ।
हरे, जि दना वनाः भौचिया ह्मातुं चखुं चित त्वःतके
मफुत । जिगुहे न्ह्यःने ... गयोगु हत्या स्वयेमाल ।
जि पापी ... खः जि पापी ।

उफ् ! कथु सुत । लः त्वने प्याःचाल । "अय्
पूर्ण ... पूर्ण ... ! अय् पुन्चा ... अय् पुन्चा ।" सुनां
हे 'हं' धाःगु मखु । सीवन सकलें छवकमनीपि । कपूतत !

कुलांगारत । उफ् ! गय्चवं प्याःचाःगु । तुताम्हं
चुया । तुति खात । क्वहां वने फइ मखु थें चवं
ग्व, व छय् छह्य नं गन ह्मिताचवन जुइ । जि क्वहां
वइचवना । जि थःह्य हे थनागु स्वहानें क्वहां वइचवना ।
स्वकः दी धुन । तर जि क्व मथ्यंनि । ○

कन्हय्

“निर्मल”

न्हावलें सुथय् ह्याउं सूर्यः लुइ
ह्या उं निभाःयात पाचिनाः
मफु मफु ल्वोग सुथ निभाः पाःवइ
थस्सः पानाः व त्वर्गि
मनय् मन्तुनाया जाः थाइ -
'थथे याये
अथे याये ये'
योजनाया खोल दुने योजना वइ
फुस्तु क्रान्तिया सीबाजं थानाः !
सन्ध्यां सूर्यया कुं गःगु मुस्याः च्याकाः
पश्चिम दिपय् यंकाः बैत बाइ !
ह्लि मत्यवं सित थौं
मांया हे प्वाथय्
कह्लय् कीसं ख्युं या प्वाः फायाः
अपरेषान याये
स्याफः जुल खइ थौंया ह्लि
कीसं कह्लय् थःगु हिया बालि लये ।

○

की लय्पौया हूःहूगु स्तम्भतयात चवसु बियाः ग्वहालि याना दिसैं ।

छपा: किपा - वर्तमानया

केशर मान ताम्राकार

स्वये हे कुतुं वैथे च्वंगु कःसी च्वना: केशरी
भारा सिलाच्वंगु आ: हे मखुत। कःसि नं अपायसकं
तकूगु मखु । चिकं अप्पां सिया तःगु अयनं भुलिइ
भुलिइ ह्वः दये धुंकल । स्वये आ: हे कुतुं वैला
थे च्वं । केशरीयात जःलाखःलां स्वक्वः प्यक्वः धाये
धुंकल कःसी च्वना: भारा सिले मते धका: । धयां
छुयाये मेगु दुगु मखु । वहे छकू कःसि ! थगु
नुगलय् दरिद्रता न्ह्यथना: स्वंगः भारा सिला च्वंगु
अक सिधःगु मखुनि । व थःगु हे धुनय् ।

‘यःमा ... यःमा ...’ धका: वया च्यादै दुहा
काय् हाला वःगु सलं व थारा न्हल । छाये छाये
धैथे जुल । मचा तलय् थ्यने धुंकल । मांहा छनेवं
कं न्यासि चाल । मचाया म्हुतुं पिज्वल ‘यमा मरि !
यमा ... मरि ... !!’ काय्या हर्ष जाःगु सलं केशरी
यात दिक्क याना बिल । छकलं छकलं केशरीया
ख्या: खिउंसे च्वन । मनय् धौ बजि वाल । मरि
... मरि, गय्याना: काय्या इच्छायात पूर्वका बी थे
जुल । वैंत छुयाये छुयाये जुल । ख नं ख: बुइका:
अपायधिक: याये धुंकल । च्यादै दये धुंकल, बांलाक
छक: धका: मरि नके फुगु मखुनि । छक: काय्यात
स्वल । ह्लाच: यागु हर्ष महु वया ख्वालय् । केशरीं
काय्महेसिगु खं बांलाक थु हे मथूनि । छुं धायेत
वःहा काय्हा, आसं द्याःगु ख्वा: ज्याना: आस कया
हे च्वन तिनि ।

‘केशरी मय्जु ... केशरी मय्जु’ कुने पाखें सः
थाहां वल । केशरीं कःसि छ्यं क्वछुना स्वल । निछे
खःमुलिसं ततःपागु मरि क्वबुया: दना च्वंहा ज्यापु ।
ज्यापु मरि बिइत दना च्वन । मरि खनेवं केशरीया
मनय् अन्तरद्वन्द जुल । मरि बिइहःगु ! उखुनु
अष्ट मले नापला:क्वल् मैया चिगु व्यवा: नं थुगुसी
हे याये त्यना धाःगु । अनं हे वःगु जुइमा: । मेथासं
वैगुला गनं नं महु । बिइ त्यःपि मेपि दुगु नं मखु ।
केशरीयात थ्वयाये वयाये धाये मफुत । मरि गय्याना:
कायेगु ? मरि काल धायेवं क्वसः नं ततागु हे तयेमाली
भ्वय् जक जूसाला वने धायेका । क्वसः गय् याना:
तयेगु ? हानं ... , भ्वय् जक वनेत तिसा महु, न
लं हे । काये मज्यू, लित हे बिया छ्क्ये माली ।
मत्ती खं वायेका: केशरी काय्यात न्ह्यः न्ह्यः तया:
क्वाहां वल । खापा चायेकल । खापा चायेके न्ह्यः
हे ज्यापुं मरि लिक्का: बिइत न्ह्यज्याना च्वने धुंकल ।
केशरीयात मरि काये ... मकाये, छुयाये छुयाये जुल ।
ह्लाच: बिचा: याःगु खँ वं पिकाये मफुत । वैंत
इज्जतं पाकां सुया बिल । काये ... मकाये ! हानं
बाता जक मखु, छता हे । उकेसं पचिता ! मरि
नं गपाय् जक तागु । केशरीं काय्यात छक: स्वल ।
ख्वालय् ह्लिला भयव्यू । गज्याःगु इच्छा ! केशरीं
मरि काहे काल । मरि बिइह ह्वा ज्यापुं केशरीया
पहः खना: अजू चाया: न्यन -

‘मयजुया म्हं मफु लाकि ?’

केशरी लिसः हिलाः जक बिल । ज्यापु खंमू
क्वबुयाः लिहूं वन । मरि ज्वना च्वंहा केशरीया ह्लाः
खाः । वैत कयं तिया च्वने धुकल च्वास च्वास
क्वसः ... क्वसः धाधां । मचा गबलय् माम मरि
बिइ अले न्हाबलें थःत जिस्के यानाः मरि नयाच्वनिह
रामसाहुया काय्या न्हाःने वनाः नः वने धैथें बिचाः ।
तर मांहा ... ! मरि ज्वनाः केशरी थाहां वल ।
ल्यू ल्यू मचा नं । तले थ्यनेवं केवरी मरि स्वस्वं
मत्ती खं ह्लकल थौं सिकं कन्हेया व्याः । थौं सिकं
कह्य, कह्य सिके कँस । गुलि जक तःजि याये
मासे वः खनी । धिबा दुपिनि ला छु । तर जि ।
हानं मरि गपाय्ता । स्व ... !’ मचा मरि स्वस्वं
ई चुलु चुलु वंकाच्वन । मरिइ कुति कुति न्याना
च्वन । केशरी मचाया पहः स्व स्वं थः थम्हं तुं
ह्लिल । सिथय् यागु मरि छकुचा त्वथुलाः मचायात
बिल । मरि ह्लाती लायेवं मचा ह्लिलाः कुल्लेम ।
मानो थः हे त्यात अले प्रतिद्वन्द्व वुत । काय्या पहः
खनाः केशरी छकः कसुकाः तल । मरि अर्थे इष्टि-
बाकसया छःने तयाः लासाय् पयतुल । लासा खं खं
वैत गरखेसे च्वना वल । प्यथाय् न्याथाय् परकातःगु
परका तःसां इज्जतला म्बाना च्वंगु दमि व लासाय् ।
थःगु परिस्थिति लुमं लुमं वं नुगः काइइयां मिकल ।
वया मिखाय् वनेधुकूगु घटनात प्याखं जुयाः वल ।

नीदें ह्लापा भौमचा थ्व छेंया केशरी । तःमि
परिवारया छें ! मिजं आखः सः, भि, बांलाः धकाः
मां वौ लय् लय्ताः । दाजु नं उतालं लय्ताः,
केहें भि थाय् लात धकाः । तर मिजं भिनां छुयाये ।
माजु, बाःजु दाजुभत व पीभत उर्थेयापि ! छहा थ

छहा ! छपति हे जि पाखे मदु । जि खनकिसा
छें छें धाइगु । आखीर इकागु छु दु । जि ला
छुं यानार्थे मच्चं । मस्यु इमि मत्ति छु दु । अऊ
खःगुं मखुगुं खं न्हाथनाः माजुं वेश्या तकं धाल ।
अयन सह याना च्वना । सहः यायेगु सहश्र गुण
भाःपिना तर गुलि सहायत उलि हे छं क्वत्यला ह य
च्वन । तःधिकाःह्य म्हाय् बुलं स्वतक मस्वः । माःसा
याइ धकाः तामासा स्वया च्वन । बौम्हेसित धाःसा
सहःनि याना च्वं धकाः धाइ । थः थम्हं तुं स्टोभ
च्याकाः जा थुया नयेमाः । म्हाय् बुयाः निदं दुबलय्
व्यागलं च्वन । जिला थः थम्हं तुं अजू चाः । जितः
हे याउँसे च्वन । दुसा नल, मदुसा मनल । माजु
व्वाःजुया धुकिला न्यने म्वाःल ।

छन्हु बौहा अड्डां खते जुयाः मरसय् वन । जिगु
कर्म ... । वनाः ग्वःन्हु मदुवं मन्त धैगु सुत्रं वल ।
चिधिकाःह्य काय् प्वाथय् दु । छ्यागे छुयाये । वने
मते धकाः गनागु नं खः, छुयाये मानय् मजू । न कालं
साला काल न ... ! ख्वाः तकं स्वये मखं । म्हाय्यात
गज्याःगु यः, अयनं सी त्यंवेले ख्वाः तकं चूमलाः ।
अन हे काज क्रिया यात ह । जि थःत तुं दोष
बिया च्वना । सुनां तकं हःपाः विउवःगु मखु । दाजु
छकः वल । मां बौ ला ह्लापा हे प्यला मपाक
मन्त । आःतकं दुगु जूसा !

‘यमा ... ! यमा छु याना च्वनागु ?’

म्हाय् कल्पनाया सःलं केशरी थारा न्हल । वैत
सःतूगु धैथें च्वनाः ‘हं’ धकाः लिसः बिल । मांम्हेसिया
पहः खनाः कल्पना छकलं ग्यात । न्हाःनेसं तया
तःगु लाखामरि खनेवं इहिपा लुमंकल । त्यासे जुइ
धुकल, अयनं पासा मलूनि । थःगु खं थःके तुं सुचुकाः

हानं न्ह्यसः लत -

‘मां, हामुख मदुलाकि ? मरि गनं बिइ हःगु ?

‘जिमि पाजुया म्हाय बिया छवइगुया मरिका’
थुलि धयाः ऊयाः पाखे मिखा ब्वयाः हानं नवात
‘द्यः नं छिउँसे च्वने धुंकल, जा नि थू हूँ । जाकि
दुला स्व । कपाः स्याना च्वन, दःला मयल छिमित
जक थु’ । तले वने त्यंह म्हाय्या ह्लाती पाछै
खनेवं हानं केशरीं नवात -

‘आम पाछै गन कया हयागु’ ?

‘अं ... मिनाचा पिन्थाय् कयव्य ! मिनाचां बिया
हःगु ।’ ग्या ग्यां धाल ।

मिनाचिया नां न्यने मात्रं केशरीं तं पिकाल ।
अयनं वाक्कुछिनाः सम्फे यायेथे म्हाय्म्हेसित धाल
‘स्व मै, जि छन्त ग्वःकः धायेगु मिनाचापिन्थाय्
वने मते धकाः । जि छन्त खःगु लँ कयना च्वनागु
खः ।’ मांम्हेसिया खँ धवा मथुयाः कल्पनां न्यन, चिसलं
‘मखु मां’ छाय् मिनाचापिन्थाय् वने मते धयागु ।
मिनाचां कीत छु स्यंकूगु दु । बरु गबले छु, गबले
छु बिया हया च्वन । बरु आर्वनिसे वने मते धाःसा
वने मखु ।’ थुलि धयाः कल्पना थाहां वन । वया
मनय् धौ वजि वाः थः मांया खँ न्यनाः । वं थुइकल
वने मते धाःगुया रहस्य । मिनाचिया दाजु दुगुलि ।
मखु, मिनाचिया दाजु भि, बांलाः, गज्याःगु मतिना
याः जितः । जिपि निम्हं छह्य हे जुइतिनि । मतिना
पाप हं ! अयसा छु, जिमि मामं दः बांलाक बिया
छवये फँगुला ? फैमखु ... , उके मतिना गथः
यायेमाः । मेपिन्त स्यंकल धायेवं जितः स्यंकी मखु
वं, गबलेसं । मत्ती खँ लुइकु लुइकु जाकि सिलेगु
मत्ती तल ।

कुने मांहा थःगु हे धुनय् - स्यासेह्य म्हाय्, अले
थःगु आर्थिक अवस्था । म्हाय् स्यनी धकाः व तसकं
ग्याः । इज्जत खनाः व चेत । मिनाचिया दाजु
मभि धकाः केशरीं ह्लापां मिसे स्यू । उके थः म्हाय्
इमिथाय् छवये मयःगु । तर कल्पना । बिचाः
बिचालं न्ह्यः वःगु हे मचाल केशरीं ।

थौं धाधां कल्लय् धाधां, थौं उखुनु मरि काःगु
थासय् भव्य । क्वसः बिइमाःगु भव्य ! ब्वनापौ बिइके
बिइके हये धुंक, जोछि वा धकाः । गय् यानाः
क्वसः तयेगु, गय्यानाः भव्य वनेगु । न तिसा, न
वसः । थःगु बाखं के कं द्यःया न्ह्यःने च्वनाः केशरीं
खवबि हायेका च्वन । अयनं दवं मिखा कंगु मखु ।
अनयांस केशरीया मिखा लुँयाह्य थःम्हं पुज्याना तःह्य
द्यःयाके लात । वया मत्ती अने तनेगु खँ लुल ।
थौं कल्लय् द्यः मिइगु चलन ! द्यः मियाः सेंठ जृपि
बङ्गलाका बङ्गाला दना च्वपि वया मिखाय् प्याखं
लू वल । नयेत मदुह्य मनू, थौं काजी जुया च्वंगु ।
वैगु मनं धाल ‘खः खः आःबलय् थ्व द्यः ज्वनाः
मिउ हूँ, छंगु दुःख दक्व फाला वनी । ह्लापा यागु
थासय् वये दै । म्हाय्या इहिपा बांलाक याये दै
हानं वैत छखे धालः - थःम्हं पुज्याना तःह्य द्यः
मियाः तःमि जुइत स्वइह्य । धिकार छंगु बुद्धि ।’
वादि प्रतिवादि घोर धमासानं लवात । आखीरय् वं
द्यः मिइगु हे उजं यात । ह्लाः थरथर खाकाः आसनय्
च्वंह्य द्यःयात ज्वन । मनं मबिउ, अयनं ... ! द्यः
तसकं तःधिकः मज्गुलि जनिखय् चिनाः क्वसः न्याना
वये धकाः धयाः पिहां वन । क्वसः न्याः वनेगु धायेवं
कल्पना पक्क जुल । ह्मिगः तले धिबा छगः सदु,
थौं क्वसः न्याःवनेगु ! शंकां थाय् काल ।

केशरी लैय् थ्यन । वैत छुयाये छुयाये । दः
गबलें मी नंहा मखु । दः जनिखय् दु, तर गन मिइगु ?
वं सिइगु नं गनं । अऊ मिजं मखु, मिसा मखा ।
व दः व्वया तःगु छगू क्यूरियो पसलय् दुहां वन ।
दुहांला वन, तर खँ पिज्वये मफु अथें ठिङ्ग दनाच्वन
ग्याः चिकु पहलं । सुनानं खंसा वैत छुधाइ का !
अथें सुम्क त्वालां स्वया च्वंहा केशरी याके पसलें
न्यन 'छितः छु मालथें ?'

'अं ... अं ! खँ पिज्वये मफु । केशरीया पहः
स्वयाः खगुहा पसलें हानं धाल 'छु' मिइगु दुसा
धैदिसं !' मिइगु धैगु खँ पसलें पिकायेवं केशरी भचा
सासः थकाल । वं थःके जैय् च्वंगु दः पिकायेत उसि
उसि सन । बल्लं दः पिकाल । ह्यासुसे च्वंहा दः
खनेवं पसलें मिखा तग्वः यात । ज्या खँ जुल । तर
तर पूवने मलाःनि निहा मनूत गनं वः गनं, वया
खतं ज्वन । केशरीयात नं ज्वन, नापं पसलेयात न
निम्हेसितं यंकल पुलिसतय् ज्याकुथी । केशरीयात
केरकार यात पुलांहा दः ज्वना वःगुलि । वंला थःगु
सत्यता उल 'थ्व जिमिगु हे दः, नये मखन, ववसः
मबिसे मगात, अकें थ्व हे मियाः तरे याये धकाः
ज्वना वैगु' । केशरीया खँ इपि गन पत्याःजू धकाः ।
खँ पिकायेत सास्ति यात । तर असत्य खँ गनं पिहां
वै । खः मधातले कुना तयेगु उनं जुल । नापं दः
सरकारया ववसः जुल ।

ववसः न्याना वये धकाः वंहा मांहा आतलें मवः
गुलि न्ह्याय्म्हेसिया धन्दा कया च्वन । ख नं खः
लिवाये धुकल । दः खिउँ लिसे नुगः भारा भारा
मिना बल । बलला धकाः गबलें ऊयाः पाखे मिखा
गबलें दना च्वंहा किजा पाखे । व सुम्क च्वंगु

हे मखु । गबलें थुखे, गबलें उखे । अय्ं मांहा
मवः ।

मांहा उखे काय् व न्ह्याय् लुमंकु लुमंकु नुगः
मछिका च्वन । लुमं लिसे छुयाये छुयाये जुल । हः
हः पनाः बल । वैत थः पाजुपिसं छुधाइ धैयें च्वन
मरि काः बलय् हिलाः हिलाः काल, ववसः बिइ
बलय् मवः मधाइला का । थःगु इज्जत खँ खं हिमि
चाल । छकः हि हि लन मिखां खवि तिकि नन ।
न्ह्याय् छकः लुमंकल अले मिनाचिया दाजु । वया
नुगः काइइया मिन । छकः मू हाल । दनेत स्वल
गनं दनेफड । छखें हा स्याःगु मू पुले नं मछि
पयतुइ नं मछि । बिचाः बिचालय् कुके जुया च्वन ।

दः नलं खने दत । अय्ं न्ह्याय्म्हेसिया न्हः
वःगु मखुनि । छवाः नं स्वये हे गरखेसे च्वं । सँ
जिग्रिङ्ग, भाःत सिइहा मिसा थें । किजाम्हेस्यां तु
तुं न्यना च्वन 'मां गबले वइतता' धा धां । लिमः
सिर्फ 'वइ वइ' जक मवः । ऊयालय् च्वंहा ऊयालय्
तुं । मजिल दः त्वइसे च्वने धुकल धैगु मत्ती
तयाः किजाम्हेसित अथें तयाः वसि बँ पू बल । छेलि,
मातं, च्वत, वैगः, दःकुथि । दःकुथी बँ पुया च्वंहा
कल्पनाया मिखा दः मदुगु आसनय् लात । वं खः
मखु धाये मफुत । त्वालां स्वयाच्वन तुफि बँय्
कुतु वंगु वं मचाल । वैगु न्ह्यपुइ ह्यिगः वया मामं
धाःगु खँवःत चाकःलि पां पां ह्यितल । धाथें वया
मामं यंकूगु खैला थें । मामं अथे याइ धैगु वं मताः ।
तर थ्व छु ? वं थ्व व हे धाये मफुत । सिर्फ
त्वालां जक स्वया च्वन — दः मदुगु आसनय् ।

थःत दयेकेगु पलाखय्

मंगलदेवी स्थापित

सिक्क वा वयाच्चंन, दिपाः हे मदयेक । सर्गतय् भुनाच्चंगु सुपांय् नं आः चिलावनी थें, अलय् चिलावनी थें, चिलाहे वंगु मखु । स्वयेहे ग्यानापुसे-चवंक नं न्यानाच्चन । चुकय् मुनाच्चंगु लब्धय् बुलुबुलु थहां वयाच्चंगु लःप्वःचात स्वयाच्चंह्य ताराबीरं फुसुकाः तयाच्चन, छपाः कयालय् च्वनाः ।

चिकिचाकूगु क्वथाय् छपाः सुकू व उकिया घःने छपु सतरंजा । सतरंजाया घःने छपाः लासा । अले लासाया लिक्कसं छगः खैथल । तज्यानाः भू भू सीदयाच्चंगु अंगलय् छपाः निपाः किपा, किपाया क्वसं छगः बाकसचा । अले उकी छगः निगः वासःसिसि । बस् थुलिहे छः वयागु क्वथाया समाः धाःसां छायेपा धाःसां ।

कयालं पिने त्वलय्चायाः स्वयाच्चंह्य ताराबीरया थुसु थुसु मुसु वल । मुसु वयेवं खाः नं च्यानावल बीत्यंगु निभाः थें ह्याउँसेचवंक । ह्यातं खाः त्वपुयाः लासाया लिक्कसंच्वंगु खैथल काल । अले खै ल्हत । हाकनं व कयालय्हे च्वंवन । कै तज्याये थें तज्या-नाच्चंगु लःप्वःचां वयात सालातल भतिचा । तग्गु, चिग्गु लःप्वःचात पर्वगाइ तज्याइ स्वस्वहे न्हाइपुसे च्वंवन । अयसां व ग्यात । अले ग्या ग्यां व लासाय्तुं ग्वारातुला छवत । छकः ताःहाकयेक सासः ह्यात ।

मिखा तिसिनाः घनेत्यह्य ताराबीरया हानं मुसु

वल, ह्व ह्व पुइक । छक्कलं नुगःपा नं स्याना वल । अले छपा ह्याः नुगःपाय् तयाः मेगु ह्यातं खैथल कयाः वं खै ल्हत । हाकनं व ग्वारातुलेत स्वत । तर वयाच्चंगु मुसु वयात ग्वारातुइके मव्यू । कन जक भव्यभ्वय्कंक मुसु वल । हानं दन । खैथल काल, खै ल्हत । खैया नापं वं खन - छपातः ह्याउँगु हि । व थारान्हुल छकः, सात्तंह्य थें । थुसुथुसु मुसु वयातुं च्वन ।

“बाबु ! धयागु खें न्यनीह्य मखु छ । खाउँगु फसय् च्वनेमते धयागु ला ... कन जक ताऊतक्क कयालय् च्वंवन । छु धाये ! ग्व ... ?” दिक्क चाःगु सलं वया मां लुखाय् दंवल ।

“मखु मां ! मुसुवःगु मखु, सत्य ! थन कथुइ छु छु थाःगु थें च्वंगुलि, जिहे मुसु तयागु । आः मुसु वइमखु । धात्थें वइमखुत मां ।” ताराबीरं थःगु ह्याउँ पालुगु खाः सुचुकल ।

धात्थें मांया सुपाचं भूनाच्चंगु खाःपाःया न्ह्याःने वं गबलेहे खःगु खें मल्लाः । न्ह्याबलें मखु मखुगु खें जक ह्याइगु । बाध्यतां हे वयात वया मांया न्ह्याःने मखुगु खें ह्याकीगु ।

मांह्य फुसुकाः ततं तीजक तलय् थहांवन । लुखाय् सखनेवं फुसु लुमन वया, थः मांया खाः । अले स्वदै न्ह्यः थः किगू तगिनं पास जूबलय् लय्तातां मांहं वयात घयपुपुं धाःगु नं लुमन छगः छगः

आखः गवत — “बाबु तारा ! स्यूला छ ? थो जिगु
गुलिमछि पुलांगु हागस पूवन । आः जितः तस्सकं
बिस्वास दयेधुं कल — कीगु भाग्यय् नं सुज छः लुल ।
ख नं खः थव संसार कुमाः या घः चाः खः । थन
दुखया ल्यू ल्यू सुख नं मवइ मखु ।

ताराबीर याकः काय्-बुरिहा मांया कयबया छपवः
स्वां । ताराबीरं काचाकाचां सासः ह्लात । हाकनं
थःत कयाः विचाः यात — स्वरदं ह्लापा, जब वं किगु
तणि पास यात । खः उवलय् गुलि वयात सेखं ज्वरं
हीमही चायेकल ... गुलि लागिमिगि चायेकल
... न्हाबलें ह्लायाः हप्प तिताच्चनी, मिखाय्
नं जालि भुने थें खवां भुनाच्चनीगु, छुं खनीगु मखु ।
छुं ह्लि लिलानिसें ल्हवे न शु । आं निसें ज्वरं
मत्वःतू । नुःगःपा नं स्याइगु । लुमंकु लुमंकु हे वं
मिखा तिसित । छायाः सा, वं स्यू — वया मांया
कयबया स्वां ऊवाः मजुइ मखु । उफ् ... वयात
लुमंके तक्क नं मयेल, थः मांया भविष्य गुली खुंसे
चवनावनी आः ... ? किछांमिछां हे दनी । छाया
धाःसा, ह्लियाह्लियं स्यंस्यं वनाच्चंगु थःपिनिगु आधिक
संकटयात वं छुं बी फेमखुत ... अले बहः लानाच्चंगु
थःगु छें नं लिफयाना काये फइमखु ... लिफयाना
काये फइगु नं गथे वं थःगु छेंयात ... ? जब कि
वया छुं लजगाः हे महुनि । आखिर लजगाः नं
दये थाकु, छहा टि. बि. या ल्वगियात ? वयात
हानं मुमु वल ।

वं तापसंचंगु बाकसया छःनेच्चंगु तम्बःगु सिसि
कयाः छगु चम्चा वासः त्वन । अले ताहाः सासः
ह्लात । तलय् बइगलय् मांहा स्यासि वनाच्चंगु सः
ताये दयाच्चन, मिरि मिरि मिक् । ताराबीरं छकः

छसुकाः तल ।

व वय् थें हे जुइधुं कल । ह्लियाह्लियं दिक्क ।
वयागु जीवनय् तसकं भवखाय् ब्वल । छायाः सा वं
थः मांया न्हाःने थःगु अवस्थायात खः खः कथं न्हाब्वये
मफु । मांया न्हाइपुसेचंगु हागसया तखागु छेंयात
थुने मास्तेमवः । तर ... छु याये ! मास्तेमवः सां
दुनावनी छायाः सा, व मनूहे मख्या बी धुं कुगु दु ।

ताराबीर याकः चा हालाच्चनी गबलें गबलें अर्थ
अर्थ हे — गथे धाये मां छन्त जि, जिगुपाखें छुं जुड
फं धयागु विचाः तक्क नं यायेमहे धकाः । हि ल्ह-
ल्हहे आकाकां सी यःहा छहा टि. बि. या ल्वगि
छुं थायेफैगु नं गथे ?

ताराबीर बुलुहुं दन, कयथाया उखेंथुखें चाःहिल ।
थःगु मिखायात नं वं कयथाया न्यंक छकः चाकालि
स्वयाच्चंगु वयागु मिखा वया बीया किपाय बनाः
तक्क दित । ह्लिलासूदंगु थः बीया किपा नं खवया-
च्चंगु खन ताराबीरं । वं स्यू — वया अबुया नं वहे
हागस ... वहे कल्पना ।

व दि वंगु बांलाक लुमंका तःगु दु — गुखुहु थः
बीलिसे डाक्टरया क्लिनिकय् वन । खः उवलय् हे खः
महुतु प्यखुलाः लिपा डाक्टरं मयः मयः न्हा न्हा धाःगु
— “धन्दा कयादीम्नाः वासः याये, इन्जेक्सन बीके ...
... गज्याःगु गज्याःगु ल्वय् ला लं धासेलि ...”

तर व भ्वाभःगु सान्त्वनां वयागु ल्वय्यात कबलाके
मफुत । वासः नयाः लनीगु ल्वय् खः सा ला निर्द
ह्लापाहे लनेमाःगु खः — थव खैं वं बांलाक थू ।
वं स्यू — आः वया म्वायेगु लेंपु केवल छपुहे जक
दनि, — अफरेशन !

“जिगु म्वायेगु लेंपु अपरेशन जक ल्यं दनि ।”

स्वाभिमानो म्हपूजा

राजोपाध्याय, खवप

‘हपूजा’ नेपाःमितय्गु छगू खुसियालि पर्व खः । हपूजा छगू नेपाःमितय्गु मसिसें भवानाचवंगु इतिहास खः । हपूजा छगू नेपाःमितय्गु राष्ट्रिय चिं खः । खास हपूजाया मू स्वापू सम्बत लिसे खः ।

‘हपूजा’ म्हगु सम्बत दुगु लय्तासं जू वःगु छगू ग्वसाः खः । वहे लय्ताः ग्वसाः राष्ट्रिय पर्व जुयावन । थौं तक नं हपूजा जुयाः धिसि मिसि

दंक दना च्वन । श्व लवःमंकां लवःमंके मफेगु ग्वसाः खः । सुनां स्यानां स्याये मफेगु जन जीवनय् दुबी धुंकुगु पर्व खः ।

‘हपूजा’ सम्बत शुरू जूबलय्या नेपाःमित गुलि मिलेयागे सः धयागु सम्भ्यतां बिलि बिलि जाःगु सूचं खः ।

‘हपूजा’ सम्बत ग्वसाः ग्वःपि नेपाःमित थः थःगु

वैय् थें जुयाः छन्हु वं थः मां बापिनि न्ह्याःने थःगु ब्यथा उलाक्यन । तर मांबौया मिखाय् छवबि खने वं च सुम्कच्वन । मयः मयः नं वं थः मांबौपिनिगु खँ न्यानाच्वन, कसुकाः ततं —“बाबु ! डाक्टर धयापि तस्सकं मभि । छपु मुलुं सीपि इपि । मेगु यगु धा जिमित बाबु । श्व छता धायेमते ।”

जुरुक्क दनाः तारावीर हानं कयालय् पयतू वन । तज्यानाचवंगु लःवःचां वयात वयागु जीवनया धवग्गीगु लैपुत लुमंका बिल । वयात ह्य छम्हं मुलुं जक तियातःथें च्वन । लवःमंकां नं लवःमंके मफुत वं थःगु हीन जीवनया भविष्ययात । व लागिमिगि चाल, हीमही चाल, चालय् धवइथें माया याताचवपि मां बां खनाः ।

“बुइकुसैलि जितः भ्वाये सयेकेत खुकुरी बी फयेके माः इमिसं । बांनं काय्यात माया यायेगु मखु, लवःमंकाः स्याये फयेके माः । मामं मतिनां छवबि हायेकाः पाचिनेगु मखु, गःपः भ्वयेहिलाः स्याये फयेके

माः । जितः इमिसं ‘बाबु तारा !’ धकाः धाये लवःमंकाः, छवलय् जितः अपरेशन याके ब्यूगु जूसा गुलि ज्यूगु । तर अथे मयाः इमिसं वस् जि बिषयात नं अमृत धकाः त्वने धुंमु दु । आः ला श्व अमृत थें ज्याःगु वासः खनाः नं घञ्चाये धुंकल । जि थःत थम्हं हे दयेके माःगु दु ।” तारां ह्लाः म्हू चिनाः वाक्कुछित ।

पिने वा अर्थेतुं वया हे च्वन तिनि । दिपाः हे मदयेक नं न्यानाच्वन, ग्यानापुसे च्वंक । अयूनं तारां काचाकाचां लाकां न्ह्यात । वयागु मनं वहे अपरेशन क्वथा’ या लुखाय् ध्याध्या याताचवच्वन । धात्थे गुलि फत उलि याकनं थ्यंकः वनेगु बिचाः वयाच्वन ।

हुइइयां हुइइयांमिक वयाचवंगु धाकुफय् अले इपःमपः कंक वयाचवंगु वायात वास्ताहे मयासै, फसं ध्वानायंकूहा थें पिन्वाना वन — वहे अपरेशन क्वथा पाखे ।



जन्महि छगू जक वैबल्य हे खैय् सगं कया: जन्महि न्यायेकीपि । थःगु जन्महि हे खैय् सगं कया: न्यायेकीपिसं देया दक्वः मनु ऋणं मुक्त याना ब्यूगु दिया लसताय् गथे सुकं चवने फइ ? सुकं चवने फइ हे मखु । थ्व, छहा निहा मनुया लसता मखु । थ्व सम्पूर्ण नेपाःमितय्गु लसता खः । सम्पूर्ण नेपाःमितय्गु लसता जूगुलि मिसा मिजं छैया फुकं पारेवार चवना: खैय् सगं कया: न्यायेकीगु हापूजा खः । आर्थिक ऋणं मुक्त ज्वीगु धयागु हाचा जक लय्ताया खँ मखु । कय् कुना च्वंगु छाति चकनीगु खँ खः । धाथे धायेगु खःसा स्वतन्त्र ज्वीगु खः । ऋण्य दुव्यूहा सन्तानयात सिमा क्वय् हे बाय् दै मखु धयागु धापू नापं दु । थुलित सुला ज्वी मालीगु जीवन खः ऋण्य दुव्यूगु जीवन । अजाःगु ऋणी जीवन दक्व नेपाःमित मुक्त जुया: स्वतन्त्र जूगु दिया लुमंति मिति छ्वये अवश्य सभ्यपि मनूतय्त यइ हे मखु अकि, राष्ट्रिय पर्वया रूप्य स्थायीत्व बिया: म्वाका तःगु ज्वीमा: ।

‘हापूजा’ सुनांनं अथे बिया: कया तःगु मखु । सुं व्यक्तिया नामय् चले जूगु पर्व थ्व मखु । हाति हाति ययेका: याना च्वंगु हापूजा खः । सुं छहा व्यक्ति जक ऋणं मुक्त जूगु मखसे सम्पूर्ण अबलेया नेपाःमित मुक्त जूगु दि जूगुलि सम्पूर्ण नेपाःमिया ययेक याना वया च्वंगु हापूजा खः । ऋणं मुक्त गबलय् जूगु धका: सिइकेगु सम्बत गुलि दत धका: खः । मुक्त जूगु दि कार्तिक शुक्ल परेवा खः । थौं, ऋणं मुक्त जूगु १०९७ दँ दत ।

‘हापूजा’ १०९७ कः याये धुनां नं व्याक्क राष्ट्रं थुकीयात घय्पुइ मफेगु खँ अजुगतिगु खः । धाथे

छगू अजुगतिगु खँ मेगु नं दु । व खः, हापूजा याना जूःपि नेपाःमितसे हे नं थथे जुया: थ्व न्यायेका वःगु खः धयागु आपाःसिनं मस्युनि । थ्व जिगु थःगु हे अनुभवं थ्वीकागु खँ खः । बुद्धिजीवि वर्ग्य हे जक थ्व थ्यना च्वंगु थें जि ताः । थ्व छगू प्रचारया कमि खः धका: अवश्य वाःचायेके माः । थौं कीगु प्रचार थ्व गुलि जुया च्वंगु खः उलि अवश्य मचा: थें च्वं वः । नेत्राःतय्गु दथ्वी हे जक थ्व लाना च्वं थें जि ताः । भिगु ज्या व भिगु खँ मयेकीपि मनु, मनु ज्वी फँ हे मखु । वेय्तसे जक मयेकी । भि धायेके यःपिसं बेय् धायेके यइ हे मखु । नेपाल सम्बत नेवाःतय्गु जक मखु सम्पूर्ण नेपाःमितय्गु खः । व दकलय् क्वातुगु स्वापू नेपाःया नेपाल सम्बत लिसें खः धका: जि थःम्हं नं बांलाक मथुयानि मथूगु इलय् हे क्षेत्र बहादुर कायस्थजुया “नेपाल सम्बत छगू विवेचना” धयागु सफू पिहां वःबलय् जितः अन्वः वः व्यर्थे च्वन । थ्व सफू स्वयाःलि जि थम्हं हे मेपि भाषा - भाषीत लिसें खँ ह्लाना स्वया बलय् अपि नं तस्सकं लय्ताल । मथूगु व मस्युगु खँ सिइके थुइके दसेलि लय् ताइगु स्वाभाविक हे जुल । लय् ताल धका: अमिसं नाला काइ धका: जि धाये मफु छायेले धाःसा संस्कार धयागु छगू बचनं हुया छ्वये फेगु विषय मखु । थ्वला थःगु विवेकं स्वयेगु विषय खः । थःगु राष्ट्रियताया आधारय् स्वयेगु विषय खः । राष्ट्रियता धयागु दुसुना वने फुगुयात धाये मखु । राष्ट्रियता धयागु स्यना वने फुगुयात धाये फँ मखु । राष्ट्रियता धयागु मेगुली छ्यले फेगुयात धाये फँ मखु । राष्ट्रियता धयागु सुनांनं ब्यूगुयात धाये फँ मखु । राष्ट्रियता धयागु सुनांनं कक्कु ज्वना: माने

याके वो वं जूगुयात धाये फै मखु । धार्थे राष्ट्रियता धयागु नेपाल सम्बत थजःगु यात हे जक धाये फै । राष्ट्रियता थजःगु गौरव दुगु नेपालया उच्चति छाय् मजुल धयागु न्ह्यसः थुथाय्के दं वै ।

‘ह्यपूजा’ यानाः नेपाल सम्बतया लसता न्यायेकुपि अबलेया नेपाःमितसें क्वथिइक स्वयेगु विचाः याः थें जि मताः । अबलेया नेपाःमितय्गु विश्वास तान्त्रिक-ताय् खः । गुकिया दसु थौं तक्क नं ह्यपूजा यायेगु बिधिखे पुदंके दनि । गथेकि की ह्यपूजा यायेत मंदः दयेकेमाः । मंदः धयागु आत्माया रुप सालाः न्ह्यःने तये हःगु हँ । थ्व तान्त्रिक कथं खः । मेमेगु नं अथे हे खः । गथेकि की तःसि गबलें हे पूमज्वीगु फल हँ । तःसि थें हे की मनू नं गबलें पूमज्वी मा हँ । स्यांगुलि मदयेकं हे मगाः स्यांगुलि सिमाय् आपलं आपाःहे सैगु फल खः । स्यांगुलि थें हे की नं आपलं आपाः दयेफये मा धाःगु हँ । खःसि मद-यक हे मगाः । खःसि फिनाः माः मबुइगु फल जूगुलि की गबलें हे माः मबुइमा धाःगु । जजं क्वखा क्वमखासे हे मगाः थकीं भुत प्रेतं थिइ मफयेमा धाःगु हँ । ताहाःगु इताः मत मच्याकुसें हे मगाः । थकि न्ह्यार्थे जाःगु बिघ्न बाधा नं अग्नि भश्म याये मा धाःगु हँ । थगु कथं कायेबलय् तान्त्रिक मतं त्वपुया तःगु धकाः तप्यंक खने मदु गथे धाये फै ? अकि, अबलेयापि मनूत तान्त्रिकताय् विश्वास कया चर्चा जूगुलि तप्यंक सिबाय् स्वये सःपि मखु । गुकिया फल नेपाःया बिकास ज्वी मफुत । आर्थिक स्वतन्त्रतां जक देश बिकास मजू धयागु थ्व घटनां बांलाक प्रमाणित याः । खास देशया बिकास राजनैतिक स्वतन्त्रतां जक ज्वी फै धयागु ग्यसुलंगु दसि थकि कथं । अबलेया नेपाःमितसें राजनैतिक कथं स्वये

मसः धयागु ग्यसुलंगु दसि थ्व खः । भौतिक साध-नयात तान्त्रिक रुपय् छयलेगु बानि हे अबलेया विशेषता खः धयागु ह्यपूजाया विधि दुग्यंगु दसि खः । तान्त्रिक विश्वासय् मच्चसें राजनैतिक विश्वासय् च्वंगु जसा थःगु राष्ट्रियता प्रति राणा ३ सरकार चंद्र शमशेरं हेप्पय् यानाः सम्बतं देशयात मेपनिगु उपनिवेश अवश्य याये फै हे मखु । उपनिवेश देश थाहां वै मखु धकाः राजनीति स्पनीगु बिषय खः । राजनीति वैगु आर्थिक स्वतन्त्रताया राष्ट्रियता हे बल्लाःगु व क्वातुगु तुति खः । बिना राष्ट्रियतां थः-गु तुति थः दने फै मखु । राष्ट्रियता म्वाकेगु धयागु हे थःगु तुती थः दनेगु खः । कतःया तुती दनाः थः न्यासि वने सइमखु । थः हे न्यासि मवसें आजु कयां स्वाभिमानि ज्वी फैमखु । स्वाभिमानि मजूगु राष्ट्रियता छुंगु कोथाय् च्वनाः सुचिकाः ज्या यायेथे खः । स्वाभिमानि मज्वीकेया लागि हे राष्ट्रिय स्वतन्त्रता लाकेगु ज्या याइगु खः अकि, स्वाभिमानि मनुष्य जाति थ्व गबलें हे सह याये मफैगु बिषय खः । खास स्वाभिमान राष्ट्रियताया आधारय् च्वनी । राष्ट्रियता मम्वायेकं स्वाभिमान जकं म्वानाः बिकास दै हे मखु । ह्लाः तुति मदुगु ह्य ग्वारां छुं हे श्रम याये फै मखु । बिना श्रमं उत्पादन ज्वी फै हे मखु । उत्पादन हे मदुसा बिकास ला दै हे मखुत । बिकास मदुगु जीवन म्वाकं सिक खः । स्वाभिमानि ह्यपूजा या बारे जि नकतिनि थूम्हं धथे खथे छिक पिसं ला दक्कले ग्यसुलंक खनी धयागु भाः प्यु प्युं हानं छकः म्वाकं सिक ज्वी सुयां यइ मखु धयागु न्ह्यथनाः ‘स्वाभामानि ह्यपूजा’ यात दुनुगलं निसें भितुना ! ○

डेय्थ भाय्ली जनबलया भूमिका

उद्धव मास्के

लक्ष्य कथंया सुथ ला अरु नं भतिचा तापाःनि ।
 “सकलें दँ - सकलें दँ” घकाः खा महायेकं सुथ
 जुइमखु धैगु खँ इलं यक्वं हे लिपा जूसां नं जनतां
 सीधुं कुगु खँ छः । खा नकतिनि जक हाल तर सुथय
 मजुनि । नसंफःगु चा फमपूनि । चा अत्यरि जुयाः
 कल्लया लँपुइ पंगलः जुयाः विकि दना च्वन तिनि ।
 न्ह्याये माःगु ईया इतिहास मन्ह्यापें लिक्क जुयाच्वन
 तिनि । उकि थन चां क्वत्यला तल । उकिपनं गुं
 जूगुलि थयभनं छुं कि - लँ दापा जुइगु भय दु ।
 स्याःचाःपि हाःथें त्वाःग्वाःहे मदिक किरिररर किरि-
 ररर यानाः गुंवीत हालाच्वन । भ्याः भति हे फय्
 मसंगुलि सिमात फितिक हे मसंसे मनु स्याना मनईपि
 लाखय् - लसितथे प्रतीत जुइक दनाच्वन । गोलिला
 चले जुया हे च्वंगु दु । मदिक गोलि चलेजुइगुला
 श्व थाय्या विशेषता हे जुल । अले गोलि लाःहा
 मनू चिल्लाय् दनिगु गोलिया प्रतिक्रियात्मक लिसः खः ।
 थनया फय्या अणु अणु पतिकं बारूदया गन्ध दु ।
 बारूदया गन्ध मनूतय्त मति उकि थन सासः फीत
 तकं थाकुं । स्वःस्वःथाय् कालया पोस्व दु । पलाः
 पलाः पतिकं मसां नवः ।

श्व थाय्या नां खः Death valley । श्वया
 अर्थ खः - मृत्युया मां । थन च्वक्व मनतय्गु
 जीवन अशुरक्षित । इमिगु पलाः पलाः पतिकं काल
 ल्यु ल्यु वइच्वंगु दु । पलाः छपलाः जक वंसा नं

कालं नुनिगु भय दु । उकि थुजाःगु ग्यानापुगु थाय्-
 यात Death valley घकाः नां छुकुगु जुइमाः ।
 मनूत मुल्याहा । काल खनाः नं मग्यासैं निखलः
 मनूत थन दत्तेहे जुयाच्वन । इमित थःथःगु काल
 स्वयाः नं शत्रुया अप्पः चिवा दु । इपि न्ह्यावलें
 छल्लकं मेगु छल्लःयात न्हंका द्वयेगुली चिउताः
 तइच्वनी । व निखलः मदयेव छल्लः सुलुप्य जुयाः
 म्वाना च्वंसा मेगु छल्लः सुलुप्यायात बाध्यतां थःगु
 हि त्वके बियाच्वपि । छल्लः तःमि जुयाः कावाः घका
 वइपि जूसा मेगु छल्लः आतापुति स्वतिकाः चिमि
 अले पर्वगि धायेकाः च्वपि । इलं छिपि, तरकं
 याउं ताःपि अले तःमि जुया च्वपिसं उगु ईया
 व्यवस्थायात घय्मुनाः कागु जुइ, गुगु व्यवस्थां चिमि
 अले पर्वगि धायेका च्वपित सी नं मफयेकाः - म्वाये
 नं मफयेकाः विष हूला तइ, काका, बाबुचा याना
 तयेगु स्वइ, थःगु ह्लाःया दलपाय् तयाः थः यत्थे
 प्याखं हुइकेगु स्वइ तर चेतनाशील मनूतय्त स्वैगु
 ह्लाःया बदलपाय् च्वनाः म्वाये यइमखु । सुनानं
 धाःधाःथें प्याखं हुइ मन दइमखु । मनूतय्गु बिचाः
 स्वतन्त्र जुइ । वैत थः यत्थे म्वाये मन दइ - थः यत्थे
 प्याखं हुइ मनदइ उकि वं न्ह्यावलें थःत स्वतन्त्र तायेकेगु
 स्वइ । बाबुचा जुयाः म्वाना च्वनेगु जीवन खनाः
 घच्चाइ । जीवन धैगु हे प्रगति खः । प्रगति हे
 मानवताया उद्देश्य खः । प्रगति धायेवं हें खिचोलीत

धाक्व खित्खिनाः न्ह्यदुयायेगु जुइ । सुयां बाबुचा
जुयाः इमिसं थःगु घितांमनिया तालय् प्याखं हुइगु-
यात प्रगति धाये फइमखु । स्वैगु मिखाया भाषाय्
स्वायेगु जीवन हे - जीवनया परिभाषा मखु । थःगु
हि त्वनीह्य पतित स्यानाः याउँक यनेगु हे जीवनया
परिभाषा खः । थःत यःकथं, यःबलय् यथे प्याखं
हुइगु स्वतन्त्रताया चि खः । उकि बाध्यतां प्याखं
हुइकेगु स्वैपि लै दथुइ धस्वानाच्चंगु कं खः । व
कथं मनूतय्के तुगलय् चंगु साहसयात चिचिमचि त्यानाः
स्यायेगु स्वइ; तुगलय् मन्हाक ग्याःपहः क्वचिना बीगु
स्वइ गुकि यानाः न्ह्यःछुयायेमाःह्य मनूयात इतःमितः
क्का तइ अले लिखतं सालाः थः न्ह्यःछुयायेगु स्वइ ।
यथे थः जक न्ह्यःछुयायेगु स्वइपित्त शोषक धकाः
धाइ गुमिगु ज्या न्ह्याबले थःगु व्यक्तिगत स्वार्थया
पूति यायेगु जक जुइ अले मेगु छखलःयात शोषित-
पिडीत जनता धकाः धाइ गुपि थःगु निमित्त मखु
वरु ककिया निमित्त बाध्यतां स्वानां च्वनी ।

शोषक अले शोषित गुबलें मिले जुइ फइमखु ।
इपि लः व मि थें पाइ । उकि इमिगु दथुइ थःथःगु
स्वार्थ तसकं पाना च्वनी; विचाः मिले जुइमखु;
छखलःयात यःगु खँ मेगु खलःयात मिखाया कुं चाहे
स्वयें यइमखु गुकि यानाः इमिगु दथुइ सैद्धान्तिक
मतभेदं हा काइ । छखलकं मेगु खलःयात लिक्कः
भाःपाः शत्रु भाःपीगु जुसेलि हिबाः कनीगु स्वाभाविक-
गु खँ खः । मनूत पशुत सी थें पुक्क पुक्क सी ।
उगु व्यवस्थायात घय्मुनातःह्य शोषकं शोषिततय्त
क्वत्यलेया लागि राष्ट्रिय धनयात छयली गुगु धन
शोषिततय्त हि-चःति हे मुंकातःगु खः । लखं लख
वंगु शस्त्र - अस्त्र कयनाः जनताया तुगलय् वइच्चंगु
लबुयात पनेगु स्वइ तर जन - शक्तिया न्ह्याने थ्व
फुक्कं वा व लसि महुइ धावा "फुसा ख्याये -
मफुसा थःहे ग्याये" धइगु ख्याचः हे जक खः ।

धाथें विचाः यानाः स्वःसा थःथःया दथुइ ल्वा-
येगु निपां चूपित त्वःगु ज्या मखु । व्यक्तिगत स्वार्थया
लागि लखं लख मनूतय्त ल्वापुइ ह्मफायेगु ति
क्वह्यंगु पाप मेगु छुं दइमखु । हिचःति धइगु खुसी
बाः वइगु लः थें दकी मखु । स्यंके गुलि अःपु
दयेके उलि हे थाकु । लडाँई जुसेलि स्यंकी सी थें
अल्याख मनूत सी, अल्याख धनसम्पतिया नाश जुइ तर
थपय्धंगु विभत्सगु ज्या द्वलं द्वः बलचिया दथुइ
भराय्खांगु छखा छें दनेया लागि यायेगु थः जक
तये थः जक नये धाइह्य कतिलाः पाकःया कतिलाः
दाउ खः । मानवमात्रया गौरवपूर्ण इतिहासया
खालय् हाकलं किकेगु खः । स्वार्थया छपे ज्योनां-
बेलिया लागि लखं लख मनूतय्त लडाँईल्य् स्वाःस्वाकं
ह्मफायेगु थःत थम्हं पशु स्वयाः नं क्वह्यकेगु
नामदया ज्या खः । तर जनबल हे लडाँईया त्याः-
बू खः । संसारया गुगुनं लडाँईल्य् जनबल बूगु
महुनि - दइ नं मखु । थ्वया दसि माःसा किसि
क्वबुइ मफयेक दु । जारयोत बुकूगु रुसया अक्टोवर-
क्रान्ति; प्यसः दँ तक सामन्ति कइच्चंगु हागःयात
लिनाः वांछवगु भियतनामया लडाँई; वृतिशतय्त
ख्याना छवःगु भारतया स्वतन्त्रता संग्राम; १०४ दँ
तक नेपाःया जनतातय्त यायेजिक्क शोषण यानाच्चं ह्य
राणा सरकारया अन्तयाःगु ००७ सालयां जन - आन्दो-
लनं आदि । थ्व फुक्कं जनबल गुलित बल्लाः धकाः
क्यनीगु १९ सौं शदीया ह्याय्कं खः । तर अय्नं
जनतायात हिबाः कनाःवइगु स्वतन्त्रता मयः । हिंसा
व लडाँई खनाः घच्चाः । शान्ति हे थःगु समस्याया
गथि स्वयंके माःधइगु चिउताः दु । तर थुकिया
अर्थ थ्व मखु कि इलं काःम्ह जनता कमजोर इपि

शत्रुया शक्ति खनाः ग्याः, उकिं शान्ति यः । ववपुंहा
मनूया ववपुं गु विचाः जक थये जुइ नत्रसा जनबलया
न्याःने गुगुं नं शक्ति फुईयाये धकाः वाहे चुने स्वाः
इतिहास साछि दु । जनबल व नैया पःखाः खः
गुकियात छुं नं शक्ति थुने फइमखु । व युगया
खुसिबाः खः, गुकियात सुनां पनां पने फइमखु । यदि
सुनांनं पनेत स्वत धाःसा वैतहे चुइका यंकेगु वैके
थःगु हे शक्ति दु । अयनं किसिया ह्यापनय पति
हाले थें जनतायात सुनां ल्वायेगुली वाध्य यात धाःसा
व गुबलें लिचिली मखु । लडाईया हागः लिना
छवयेत लडाईया हे वः काये माः घइगु इमिगु सिद्धान्त
नं दु ।

हिंसा व लडाई थन उजाःपेन्त जक यःइ, गुपि
स्वार्थया अय्लाखं कायेकाः पुलाउलय् च्वंगु बरांया
माकुक् सवाः कया च्वनी अले दलं द्रः जनतातयत् सल-
किसि यानाः थःगु खवःचा न्याका च्वनी तर ववःत्यः
लिसें दना वइगु प्रगतिया इतिहास खः । गुगु इतिहासं
न्याबलेंया लागिं जनतायात हःपाः बियाच्वनी -
“नसंफाःगु इलं प्वनाः प्वनाः सुनां अधिकार लः ह्याये
हइमखु । लडाईनं हे तिनि स्वतन्त्रता दइ । हिंसा
व लडाई मयः धकाः न्याय् व सत्यया लागिं ल्वाये
मफुसा अन्याय् व अत्याचारया राज्य जुइ । स्वार्थया
अय्लाखं कायेकाः निर्दोष जनताया लाकू हिक्कू त्यानाः
पैशाचिक ज्या याना च्वंगु पुलु पुलु स्वयाः बुद्धया
उपासना यानाच्वसा इलं धाः जुइक ख्वातु ख्वाइ ।”
उकिं इलं काःहा असन्तोषी जनता ल्वाना च्वन -

धर्तितकं हिंसाः कंकाः अयनं थ्व हिंसा मखु; विभत्स
मखु । ई गतिशील खः । व खुसिबाः न्याःथें
न्याबलें न्याना च्वनी । वैत सुनां पनां पने फइमखु ।
यदि सुनांनं पनेत स्वत धाःसा वपंगलः जुइ । पंगलः
चीकेगु हिंसा मफु । अथे हे सामाजिक ह्युपाःया
लागि; जनताया हिचःतिया मूया लागिं राष्ट्रिय
स्वाधीनता व राष्ट्रिय विकाशया लागिं अले शान्ति व
सद्भावनाया लागिं छुं पंगलः जुयाः दनाव्यूसा वइत
चीकाः थः न्याःज्यायेगु प्रगतिशील जनताया कर्तव्य
खः । व कर्तव्ययात हिंसा धाये फइमखु । हिंसाः
कनेवं हे हिंसा जुइ मखु - विभत्स धाइ मखु ।
“वं ला ह्याय् यात ?” घइगु न्यासलं सीदयेका बी ।
गुम्हेस्यां थःगु स्वार्थया लागिं थः सुलुप्या जुयाः दलं
द्रः जनताया हि त्वनाः हिंसाः कंकी वइत हिंसा
धाइ - विभत्स धाइ तर थःगु स्वतन्त्रताया लागिं
थःगु हि त्वनीहा सुलुप्यायात स्यानां वइत हिंसा धाये
फइमखु । मनू नइहा राक्षसयात स्यानां वइत
विभत्स धकाः थुकलं बी दइमखु । थ्व पाप मखु;
अन्याय् मखु; अत्याचार मखु । अन्याय्, अत्याचारया
हागः लीगुया लागिं ल्वाइगु ल्वापु गुबलें घच्चाइपुसे
च्वनी मखु । बरु कल्लय् ह्वइगु नस्वाःगु स्वांया पुसा
खः । सत्य व न्यायया पलिनाः ल्वापु गुबलें बुइ
मखु । यदि वुत धाःसा व मानवया विजय मखु
दानवया विजय खः, अले मानवया अन्त खः तर
थये गुबलें जुइ फइमखु । थन सत्य व न्यायया पलिनाः
ल्वाइम्ह जनता अवश्य त्याइ । थ्व सत्यया खं खः । ॐ

“नेपाल” ऋतु पौ या ग्राहक जुया दिसं

‘निसोसे’ गथे याना: छुइगु ?

सूर्यकुमारी पन्त

गयो डोटी खायो रोटो

आउँदाखेरि धोती न टोपी

— थव उखान शायद यक्वस्यां न्यंगु दये मा: । धात्थें कीगु देया पश्चिमपाखे (खास याना: डोटी जिल्लापाखे) यक्वस्या नज्वलं हे मरि ख: । छछा: जा अले छछा: मरि ला सकस्यां हे न: तर निम्न स्तरया मन्तसें निछाकं मरि नया: म्वाये मा: । वछ, दुसि, फाफर, कःनि लिस्सें जाकिचुंया तःताजिया मरि छुना नयेगु चलन दु ।

गथे :- जाकिमरि, रोट, निसोसे, बाबर (साख: वा चिनी तयामत.गु सेल), सेल व मेमेगु ।

चव्य नां कनागु मरि मध्यय् ‘निसोसे’ नांगु छता मरिया विषयय् कने । ‘निसोसे’ मरि म्हाय्मचा थःछें भा:तपियाय् वनीवल्य् वस्यालिया रूपय् बिया वछ्येत अले संक्रान्ति, मसान्त आदी पर्वय् थ: यस्सें नं छुना: न: । थव ‘निसोसे’ जाकिचुनं छुइगु छताजिया मरि ख: । थव मरि छुइगु काइदा अले मरि छुइत मा:गु ज्वलं थथे ख: :-

मा:गु ज्वलं :

- १) जाकिचुं छमना
- २) धौ छमना
- ३) घ्य: टेबल चम्चां प्यंगु चम्चा
- ४) चिनी टेबल चम्चां न्यागु चम्चा

५) बेकिङ्ग पाउदर च्या चम्चां $\frac{1}{2}$ चम्चा

मरि छुइगु काइदा :

- १) जाकिचुं, चिनी, घ्य: अले बेकिङ्ग पाउदर छथाय्हे ल्वाकछयाना: संकेगु ।
- २) अले उकी धौ तया: ताउतक संकेगु । जाकिचुं सेल छुइवल्य् ति तागुके मा: ।
- ३) द्वालय् लप्ते वा केरालप्ते लाना: ह्वायेधुंकूगु जाकिचुं फुक्कं च्चंकेगु अले घ:ने नं लप्ते बांलाक त्वपुइगु ।
- ४) अले बुलुहं मि च्याका: द्वा: देखुइगु । जाकिचुं भतिचा खवेवं द्वा: घ:ने बुलुमि तया: छुं ई तक्क छुइगु ।
- ५) मरि बुतकि मि स्याना: भुतू घ:ने तयातयेगु अले लप्ते लिक्कया: केक थें कुचा कुचा याना: तयेगु । थव मरि तःन्हुतक्क तयात:सां स्यनीमखु । जहान स्वया: तग्व:गु थलय् ह्वाय्मना, च्यामना जाकिचुंया छपाहे मरि नं छुइ ज्यू तर चिपागु मरि छुइवल्य् अ:पुइगु जक मखु याकनं नं बुइ । थव ‘निसोसे’ मरि केक थें याउँसे च्वना: नाइसे नं च्वने मा: । छक: छुना: भपियादिसं ।

एन. सी. सी. एन.

श्री ५ महाराजाधिराज सरकारया

शुभ - बुन्हिया पुनीत उपलक्ष्यय्

वसपोल सरकारस भक्तिपूर्वक

हार्दिक भित्तुना

नेपाल कन्स्ट्रक्सन कम्पनी नेपाल लि.

त्रिपुरेश्वर, येँ ।

फोन नं. ११-९७६, १५-११९

पो. बक्स नं. ३७

की या धापू

की - प्रधान सिरपा

श्वहे बंगु ने. सं. १०९७ न्हू दँयो लस-
ताय् नांजाःह्य कवयित्री मय्जु मन्दिरा
प्रधानजु 'की' लय्पौया च्वमितय् निति 'की-
प्रधान सिरपा'या घोषणा याना दीगु खः ।



की-प्रधान सिरपाया दाता

मय्जु मन्दिरा प्रधान

'की' लय्पौस दछिया दुने पिदंगु दकलय्
बांलाःगु रचनाया च्वमियात उगु सिरपा
बोगु ईच्छा मय्जु प्रधानं याना दीगु दु ।
उगु सिरपाया निति न्ह्याबलें दँय् निसः

तका दां बिया दीगु बचं वय्कलं 'की'
लय्पौयात लःल्हाना दीगु पत्रय् बिया दीगु
दु । थुकिया निति माक्व दां वय्कलं बैक्य
जम्मा नं याना बिया दी धुंकुगु दु । उकिं
थुगु ल्याखं निसें हे 'की', लय्पौस पिदंगु
फुक्कं रचना थ्व 'की- प्रधान सिरपा'
प्रतियोगिताय् दुश्याःगु जुल । सिरपाया
विस्तृत विवरण, नियम आदि 'की' या
मेगु ल्याखय् पिदनी ।

मय्जु मन्दिरा प्रधानजु नेपाल भाषा
साहित्यया विकास मनंतुनाः उगु सिरपा
तया बिया दीगु खः । थुगु सिरपां नेपाल
भाषाया च्वमिपिन्त, विशेष यानाः नेपाल
भाषाया न्हू च्वमिपिन्त ग्यसुलाःगु रचना
च्वयेगुली हःपा दइगु आशा यायेफु । नेपाल
भाषाया च्वमिपिन्त सरकार वा अर्धसर-
कारी संस्थापाखें दयेमाःगु प्रोत्साहन मदया
च्वंगु इलय् थुगु 'की- प्रधान सिरपाया'
स्थापना तसकं महत्वपूर्ण जू । थुकिं नेपाल
राष्ट्रया हितया निति नेपाल भाषा साहित्य-
यात नं व्वलंकेगु ज्याय् धिसिलाःगु तिवः
जू वनीगु विश्वास यायेफु । उकिं थ्व की-
प्रधान सिरपाया दाता मय्जु मन्दिरा प्रधान-
जुयात दुनुगलंनिसें धन्यवाद देछाया । नापं
थुगु सिरपा दां कथं अण्वः मखुसां नेपाल
भाषा व साहित्य सेवाया कदर कथं तसकं
महत्वपूर्ण भाःपाः सकसिनं थ्व सिरपायात
स्वीकार यानाः मर्यादा तइगु मनंतुना ।

एन. सी. सी, एन.

श्री ५ युवराजाधिराज सरकारया

शुभ बुन्हिया लसताय्

वसपोल सरकारया सुस्वास्थ्य व दिर्घायुया


हादिक भिंतुना

नेशनल कन्स्ट्रक्शन कम्पनी नेपाल लि.

त्रिपुरेश्वर, काठमाडौं

फोन नं. ११८७६, ११९७६

पो. बा. नं. ३७



HOECHST PHARMACEUTICALS LIMITED

AHMEDABAD • BOMBAY • CALCUTTA • DELHI • MADRAS • KATHMANDU

સુવર્ણ સિંહાસન

સુવર્ણ સિંહાસન સંસ્થા

સુવર્ણ સિંહાસન સંસ્થા

સુવર્ણ સિંહાસન સંસ્થા

સુવર્ણ સિંહાસન

સુવર્ણ સિંહાસન સંસ્થા

સુવર્ણ સિંહાસન

સુવર્ણ સિંહાસન

સુવર્ણ સિંહાસન



સુવર્ણ સિંહાસન સંસ્થા

ચાકુ :— મદન પ્રિન્ટિંગ પ્રેસ અસન, વાલકુમારી, યે ।